

四庫全書

史部

欽定四庫全書

欽定盛京通志卷一百一

古蹟二

錦州府境內郡縣古蹟

錦縣

寧遠州

廣寧縣

義州

--	--	--	--	--	--	--	--	--	--

欽定四庫全書

欽定盛京通志卷一百一

古蹟二

錦州府境內郡縣古蹟

錦縣

古錦州

即今州治秦置遼西郡晉永嘉中慕容皝始置西樂郡遼史地理志錦州臨海軍本

漢遼東撫慮縣地太祖以漢得建州統州一嚴州保肅軍縣二曰永樂安昌金史地理志舊隸

興中府縣三永樂安昌神水元時以錦州興中義瑞高利惠川建九州并屬大寧路明廢以其

地設衛今郡城為中左二屯衛地 案金史志

云興中府本唐營州遼霸州彰武軍重熙十一

年升為府更名縣四興中為府治承德即遼安

德州化平軍興城遼嚴州保爾軍宜民遼川州

長寧軍元仍改為州今在錦州境外土默特界

至錦縣一百六十里前志誤載今特為辨証附

識錦

州下

### 開州

在城東北五十里土人稱為古開州城 案  
遼金元三史此地俱無開州名或亦唐時舊

址

### 建州

在錦縣西北一百餘里遼史地理志建州祿  
靜平唐武德中置昌樂縣太祖完葺故壘置

川州在靈州之南屢遭水害聖宗遷於唐崇州  
故城治永霸縣金史地理志建州保靖軍遼初

名武寧後更金因之縣一永霸本唐昌黎縣地  
元廢軍馬大寧洛州為邊外地按此係遼之建

州若金時建州在今

興京界已詳見前卷又按建州故城今亦在土默特

界因其境壤毗連遼時  
隸中京道故附識於此

### 永樂故縣

今錦縣治遼置為錦州治地理志云本  
慕容皝西樂縣地金因之元省縣入州

### 安昌故縣

在錦州西遼志屬錦州金因之元省今  
城西九十里有古安昌縣之永和村城

基東有一塔塔下有金大定間碑即其故址又  
縣西五十里有古虹螺縣考遼金元三史無此

名惟唐書唐平高麗

置縣百或係其遺址

### 徒河故縣

在錦縣西北相傳虞舜時已有此城劉  
恕外紀周憲王三十三年齊桓公救燕

破虜河即徒河也漢置縣屬遼西郡後漢安帝時改屬遼東屬國都尉魏晉省入昌黎郡界後慕容氏復置太康十年慕容廆遷於徒河之青山元康四年移居棘城魏書地理志真君八年併徒河屬廣興縣通典徒河青山在營州郡城東一百九十里明一統志徒河城在廣寧中

衛境

內

### 神水故縣

在錦縣西北遼史地理志本漢徒河縣地開泰二年置神水縣屬中京大定府

金屬錦州皇統三年發為鎮大定二十九年復陞為縣元廢舊志城北有溜石山堡金末元將移呼哩以張致地險兵精欲設奇取之遣兵急攻溜石山堡而使別將屯永德西十里致馳救湖石永德軍遣騎斷其歸路移呼哩馳至神水與致遇永德軍亦致敗走錦州遂下

移呼

里見名宦卷二原  
作木華黎令詳改

永德故縣

在錦縣西北遼史地理志統和八年析西甯城東南龍山徙河境置安德縣初

屬乾州更屬霸州尋置安德州化平軍於此金廢州大定七年改縣曰永德屬興中府元廢舊志永德城西北去神水城五十餘里東北去興中城百里

謹案錦州境內秦漢以來為遼西郡前漢書遼西郡統且慮海陽新安平柳城令支肥如賓從交黎陽樂狐蘇徒河文成臨渝系共十四縣後漢遼西郡統陽樂海陽令支肥如臨渝五城自



渤海契丹相繼建置郡縣洎乎金元互有更易  
遼史所志沿革多附會穿鑿如以顯州為渤海  
顯德府遼州為唐遼城之類舛謬不可枚舉且  
考之輿圖兩漢所置諸縣今或有在錦州邊外  
喀喇沁科爾沁土默特諸部界者或有在直隸  
永平熱河界者悉當按其方隅詳加釐正至前  
史淆誤及名同地異者援引羣書確求徵信俾  
歷代分合之蹟瞭然可指而古今疆域之不同

亦因之類見焉

寧遠州

柳城郡

秦置縣屬遼西郡漢書地理志遼西郡柳城縣西部都尉治十六國春秋慕容皝以

柳城之北龍山之南福德之地也使楊裕築龍

城構宮廟改柳城為龍城縣九年遷都龍城十

二年魏新宮曰和龍宮魏書地形志營州治和

龍城大延二年為鎮真君八年并柳城屬焉隋

書地理志遼西郡舊置營州開皇初置總管府

改龍城縣為龍山十八年改為柳城大業初府

廢置郡舊唐書地理志武德元年改為營州總

管府七年改為都督萬歲通天二年為契丹李

萬榮所陷神龍元年移府於幽州界開元四年

後移還柳城八年又往就漁陽十一年又還柳

城舊治天寶元年改為柳城郡乾元元年復為  
營州領柳城一縣室韋棘藿並在東北遠者六  
千里近者二千里西北與奚接界北與契丹接  
界寰宇記營州南至大海三百四十里北至秦  
長城二百七十里至契丹界涅水四百里西至南  
至平州七百里遼史地理志中京道興中府本  
漢柝城縣地唐營州都督府後為奚所據太祖  
平奚乃克葺柳城號霸州彰武軍重熙十年升  
興中府治興中縣金因之元至元七年降為興  
中府屬大寧路案營州本古狄竹國新唐書  
地理志營州西北百里曰松隈嶺其西奚其東  
契丹距營州北四百里至涅水營州東百八十  
里至燕郡城又經汝羅守捉渡遼水至安東都  
護府五百里故漢襄平城也東南至平壤城  
八百里西南至都里海口六百里西至建安城  
三百里故中鄣縣也南至鶻綠江北泊灼城七

百里故安平縣也自都護府東北經古蓋牟新城又經渤海縣長嶺府十五百里至渤海王城城臨輝罕海其西南三千五百里古肅慎城其北經德理鎮至南黑水靺鞨千里據此可見唐時營州境壤遼潤錦州僅營州東境耳又按土默特右翼西有柳城據此似不應以柳城入錦州郡古蹟但隋唐時柳城郡所隸甚廣寧遠寔為柳城郡地是不得以故城在外遂缺而不誌也

### 和州

在寧遠州北一百二十里元史地理志初置和州屬大寧路至元五年併入利州為永和鄉按利州遼統和十六年置今因之在今邊門口外

### 瑞州

在寧遠州西南一百三十里唐貞觀十年以烏突汗達干部落置威州於營州境後改瑞州又置來遠縣為州治後廢流史本紀太平元年于來遠縣地置來州歸德軍領隰潤二州治

來賓縣金天德三年改為宗州明昌六年改縣  
曰宗安泰和六年以避諱謂本唐瑞州地復改  
瑞州領縣曰瑞安海陽海濱元省縣入州明洪  
武二十二年改置廣寧前屯衛西至山海關六  
十里南至海二十里北至邊二十五里西北至  
大寧衛三百七十里城周五里有奇門三

本朝康熙二年併

入寧遠州

### 興城故縣

在寧遠州南遠史地理志本漢海陽縣  
地聖宗置嚴州保肅軍治興城縣屬錦

州金皇統三年州廢以縣屬興中府元省全遼

志興城縣在寧遠城南四十里海中覺華島考

金史縣有桃花島今州南十五里海中桃花島

上故址猶存按遼志謂本漢海陽縣地今考

漢海陽唐時為馬城縣遼改置望都

縣在今直隸永平府界不在此也

# 海濱故縣

在寧遠州西南前屯衛城西本慕容皝所置集寧縣地遼史地理志聖宗置隰

州平海軍又置海濱縣為州治金初封遼主天祚為海濱侯皇統三年州廢以縣屬瑞州元省

明初置山海關東運運所明一統志海濱廢縣在廣寧前屯衛西八十里按遼志隰州所領

為海陽潤州所領為海濱金志則謂潤州所統者海陽隰州所統者海濱二史志互異據松漠

紀聞潤州西去平州一百四十里以道里計之當在舊榆關東今山海關西全遼志載海陽縣

在前屯城西一百十里其地亦在山海關西明一統志亦以海濱縣為隰州治當從金志為是

# 廣寧縣

# 顯州

今廣寧縣治漢置縣屬遼東郡為西部都尉治後漢屬遼東屬國元初二年遼東鮮卑圍

無慮又陽嘉初鮮卑寇遼東屬國耿耽屯無慮城以拒之晉省唐置巫閭守捉城遼史地理志顯州奉先軍世宗置以奉顯陵顯陵者東丹人皇王墓也治奉先縣兼領山東縣今改山東縣曰廣寧為廣寧府治金史地理志廣寧鎮寧軍天輔七年升為府天會八年改軍名鎮寧許元宗奉使行程錄自錦州八十里至劉家莊自劉家莊一百里至顯州遼東行部志廣寧本陽羅郡渤海顯德府遼世宗改顯州元省縣入廣寧府明置衛 案金史廣寧府本遼顯州不言遷置然金志謂所治之廣寧縣本遼山東縣又御塞行程錄云自廣寧府東行三十里至顯州蓋今縣城即遼山東縣金為廣寧府及廣寧縣其顯州奉先縣當在京縣東南又考渤海顯德府在渤海上京之南吉林南境遼史及遼東行部誌皆謂顯州本顯德府地誤又案顯州即漢無

慮縣地漢書顏師古注云無慮即所謂醫巫閭也又秦遼置嘉州嘉平軍康州統率賓縣皆隸

顯州故址無考

### 乾州

在廣寧縣境遼史地理志乾州廣德軍本漢無慮縣地聖宗統和三年以奉景宗乾陵置

奉陵縣為州治領海北一州延昌靈山司農三

縣金史地理志天會八年廢州更縣名曰閭陽

屬廣寧府遼東行部誌閭陽乾州也去廣陵五

里北盟會編離顯州七里別建乾州以奉陵寢

元初廢縣立十戶所至元十五年以戶口繁多

復立行十戶所後復為閭陽縣元一統志乾州

故城在廣寧府西南七里遼統和二年置今基

址綢然明初縣廢置閭陽驛于此明一統志乾

州在廣寧衛西南七里閭陽城在廣寧衛西南

五十五里舊志閭陽在城西南五十里周圍二



百五十步並詳城池卷 按遼史乾州既以奉陵縣為州似不應有二城恐明一統志誤

### 遼州

在廣寧縣東北遼置縣遼史地理志遼州始平軍縣二遼瀆定安金史地理志皇統三年

廢遼州以縣屬瀋陽元時縣亦廢明一統志在瀋陽衛西北一百八十里今在遼河西岸有遼

瀆塔為承德廣寧交界地 按遼史地理志遼

州本佛寧國地渤海為東平府唐太宗征高麗

拔遼城高宗詔程名振蘇定方討高麗至新城

皆此地也太祖代勃海先破東平府遷民定之

改為州軍曰東平太宗更為始平軍今考之唐

書粟末靺鞨居最南稍東北曰汨泚部益東曰

拂涅部其地距今承德廣寧甚遠遼史以遼州

有東平軍之名遂謂即勃海東平府又因州名

為遼遂謂即唐時遼城新城皆誤唐之遼城即

遼東城新城又在其東北遼史混合為一非也

况程名振等攻新城引還在高宗永徽六年安  
得貞觀時李勣既拔而其後復攻之錯謬顯然  
又案遼史志云遼州有遼河羊腸河錐子河蛇  
山狼山黑山中子山今考羊腸河在廣寧縣城  
東四十五里錐子河在廣寧城東北四十里即  
珠子河也遼河亦經廣寧縣東北二百三十里  
蛇山一在廣寧城東三十里一在東北九十五  
里狼山在廣寧城東北二十里今名狼虎山黑  
山在廣寧城東北八十里又有西黑山在城東  
北七十五里大黑山在城東七十里小黑山在  
城東六十里則遼河實在今廣寧東境也又  
案橫州漢故遼陽地遼置在州西北九十里  
懿州在廣寧縣東北境外遼史地理志太平三年  
置曰懿慶軍更為廣順軍清寧七年為寧昌  
軍領寧昌順安二縣遼東行部誌懿州吉遼西  
郡即柳城之域金初隸咸平府泰和末改屬北

京路領順安靈山二縣元一統志豪州本遼時  
懿州金皇統三年省入順安縣後復置元初為  
懿州路至元六年降為東京支郡并省縣入州  
明初置廣寧後屯衛於此永樂八年徙衛治義  
州遂廢為界外站道按遼史志在顯州東北  
二百里西北至上京八百里明一統志廢懿州  
在廣寧衛北二百二十里又寧昌廢縣在懿州  
北二十里遼置為懿州治金徙州治以寧昌併  
入順安又靈山廢縣在懿州西金置元省又按  
遼史有兩懿山一載東京道一載上京道據史  
云初更廣順軍隸上京其實一州也第此懿州  
云本越國公主而上京又稱聖宗女長公主為  
小異考聖宗女為越國公主燕長主則聖宗之  
姑也史必有一誤又按史州舊志謂在廣寧衛  
北二百二十里以里數置之應在遼外但考元  
方輿勝覽云懿州轄順安靈山徽州同昌四縣

州境有羊腸河則  
兼廣寧縣境地也

### 閭州

在廣寧縣東北遼史地理志州近醫巫閭山  
在遼州西一百三十里西北至上京九百五

十里又有順州在顯州東北一百二十里西北  
至上京九百里亦遼置金皆廢 案遼志謂順

州本遼隊  
縣地誤

### 壕州

在廣寧縣東北遼置遼史地理志在顯州東  
北二百二十里西北至上京七百二十里又

涓州高陽軍遼駙馬都尉蕭昌裔建在顯州東  
北二百五十里原州在東北三百里皆遼置金

俱廢 案遼志謂壕州本漢西安  
平縣原州本漢北安平縣皆誤

### 川州

在廣寧縣西北本唐青山州北遼會同三年  
詔置白川州天祿五年去白字曰川州遼史

地理志中京道川州長寧軍太祖弟明王安瑞  
置領弘理咸康宜民三縣金史地理志大定六  
年廢川州為宜民縣屬懿州承安二年復置川  
州泰和四年仍罷州屬大寧路明初廢金遼志  
大寧路明初廢全遼志川州城在廣寧城西北  
一百二十里方輿紀要川州有東西二城東川  
州遼所置也西南去義州衛一百五十里西川  
州金所置至南義州衛九十里又有徽州城在  
川州西金承安二年以徽州寨為徽州屬川  
州泰和四年州廢縣亦罷秦川州故城在今  
蒙古土默特界似廣寧縣下不應載入但全遼  
志既云在廣寧城西北一百二十里而舊志據  
方輿紀要又有東西二城之  
說姑附志於此以備參攷

麓州

遼史地理志麓州渤海置按唐書通考渤海無此州名遼史載其名而不詳其地又遼

乾州所屬之司農縣本渤海麓郡縣併麓波雲川二縣入焉亦未詳渤海所隸之州今附於此  
乾川為漢無慮縣地因醫巫閭得名或  
麓州麓郡亦因附北鎮之麓而名歟

### 房縣故縣

在廣寧縣東南漢置屬遼東郡後漢屬遼東屬國晉省案水經大遼水自襄

平縣又東南過房縣西今考後漢分置遼東屬國別領六城其昌黎寶從徙河三縣皆舊屬遼無慮雖屬遼東亦在遼水之西不應分縣獨在遼水之東如果在遼水之東則去遼東郡治甚近且與安市平郭接壤何以獨析隸所國耶蓋房與險瀆皆遼水西濱河海之地水經西字乃東字之譌舊志以房縣入海城古蹟恐誤

### 險瀆故縣

在廣寧縣東南漢置縣屬遼東郡應劭曰縣依水險故曰險瀆後漢屬遼東屬

國晉省 按遼史以集州為漢險瀆縣非是  
以後漢書考之似應在京廣寧東南濱海之地

### 望平故縣

在廣寧縣東北漢置縣屬遼東郡後漢  
因之晉屬元菟郡後廢金大定二十九

年復陞梁漁務置縣屬廣寧府元火地理志至  
元十五年改為望平軍民千戶所後復為縣明

初廢明一統志望平廢縣在廣寧衛東北一百  
五十里 按水經注大邊水自塞外東流直遼

東之望平縣西漢縣蓋在遼河之東故晉初改  
屬元菟郡金縣在河西非漢故縣也遼金二志

又謂山東縣本  
漢望平亦誤

### 歸義故縣

在廣寧縣東北 按遼史初置顯州渤  
海民自來助後世宗嘉憫籍其戶置屬

顯州  
金省

鍾秀故縣

在廣寧縣西南遼奉先縣地金天會八年改置鍾秀縣屬廣寧府後廢尋復置

元至元六年省入望平縣明一統志鍾秀城在廣寧衛西南五里本遼奉先縣金置元省入閭陽縣後置千戶所舊志鍾秀城在廣寧城西南三里周二里有奇按明一統志謂元省鍾秀閭陽與元史省入望平之文互異以道里揆之望平遠而閭陽近似閭陽為是第志說無確據且此城去廣寧僅三五里既非倚郭不當如此逼近疑金秀本在廣寧之東故元時併入望平此城乃後人傳譌非故縣也

古通定鎮

在廣寧縣東一百八十里舊志高麗於遼水西置軍以警察渡遼者謂之武厲

遼隋大業八年伐高麗惟得遼水西武厲遼之地置遼東郡及通定鎮而已九年詔修遼東古



城以貯軍糧即所置遼東之郡城以仍舊名亦曰古城也唐貞觀十九年伐高麗李世勣自通定濟遼水趨元菟即此

### 義州

### 宜州

今義州治遼史地理志宜州崇義軍東丹王每於秋畋於典中以定州俘戶建州有墳山松柏連亘百餘里又世宗置弘政縣為州治在今州東北二十五里金天德三年改名義州移今治元省縣入州元火地理志大寧路有義州明洪武二十二年置義州衛及廣寧後屯衛於此按遼史以宜州本漢遼西象縣地新舊志並從之今考水經注濡水至象縣碣石山入海文穎曰碣石在遼西象縣并屬臨渝水即今灤河臨渝古渝關也漢象縣應在今灤州樂亭間當灤

河入海處不在宜州也今以義州即象縣者恐誤又按  
遼初置以州興化軍後廢州以其屬縣改隸義州又按  
遼史志上京慶州富義縣本義州太宗遷渤海  
義州民於此重熙元年降義豐縣後更名又云  
上京永州義豐縣本鐵利府義州重熙元年廢  
州改今縣在州西北一百里又嘗改富義縣屬  
慶州以今考之富義義豐當係渤海義州縣名遼  
徙其名分屬慶永二州非渤海故地乃史載富義  
義豐兩縣既云遷義州民於此雖仍舊民已非  
故地又云本渤海義州何自矛盾若此合遼金  
兩史考之似渤海義州之民分徙兩縣故地已  
空興宗時方以定州俘戶實之遂以義為宜  
與義音同字異金時改正以  
明渤海之舊正非漫然耳

遼西州

在義州東遼史地理志本漢遼西郡地世  
宗置遼西州阜成軍統長慶縣屬顯州統

和八年以諸宮提轄司人戶置金廢為遼西鎮屬鍾秀縣全遼志遼西鎮在義州城東四十里

### 開義故縣

在義州東四十里遼史地理志世宗以所俘漢戶置海北州廣化軍治開義縣

初隸宜州後屬乾州金皇統三年廢州以縣屬義州元廢按遼史海北州在閭山之西南海

之北考之五代史晉出帝過平州出榆關行七八日至錦州又行五六日過海北州至東丹王

墓則州境似在今廣寧界

### 同昌故縣

在義州北遼置初曰長慶軍隸上京後改成州興化軍領同昌一縣隸中京金

州廢縣屬川州大定六年以縣屬懿州承安二年復屬川州泰和四年改屬義州遼史地理志

在宜州北一百六十里

古饒慶鎮

在義州西五十里金置隸義州開義縣舊有廢城周一里舊志云俗為饒慶

縣按元方輿勝覽云金崇義軍弘政開義饒慶三縣是金已改鎮為縣原志未詳考耳

謹案義州等境為秦時遼西郡地元史地理志

大寧路漢為新安平縣唐為營州所屬置饒樂

都督府遼為中京大定府統州十縣九金因之

元初為北京路總管府中統三年移興州及松

山縣屬上都路至元五年併和州入利州為永

州為永和鄉七年興中府降為州仍隸北京改

北京為大寧路二十五年改為武平路後復為  
大寧路領司縣七州九是按之歷代輿圖大寧  
本為遼西地明初割錦義建利諸州屬遼東而  
於古會州大寧之地設北平行都司領二十餘  
衛洪武十四年封寧王於此二十二年分烏梁  
海原作兀  
良哈為諾延蒙古語解見名宦  
卷二原作朶顏福餘泰寧三  
衛設指揮同知迨建文時燕王首襲大寧及名  
烏梁海諸部落從行遂以大寧畀烏梁海由全寧

抵喜峯曰諾延衛由錦義歷廣寧至遼河曰泰  
寧衛由黃泥窪踰瀋陽鐵嶺至開原曰扶餘衛  
自大寧併入三衛而遼地右境明時遂不隸版  
籍所有大寧古蹟

大清一統志列入外藩本志亦例不臚載特以大寧  
本屬遼西境壤故附識其源流於卷

欽定盛京通志卷一百一

欽定四庫全書

欽定盛京通志卷一百二

古蹟三

吉林境內郡縣古蹟

黑龍江境內郡縣古蹟





欽定四庫全書

欽定盛京通志卷一百二

古蹟 三

吉林境內郡縣古蹟

吉林

顯德府

在吉林城東南新唐書渤海傳上京南為中京曰顯德府領盧顯鐵湯榮興六州地

理志自鴨綠江口舟行百餘里乃小舫泝流二百里至神州又陸行四百里至顯州天寶中王所都按顯州即顯德府唐先天二年賜名呼爾罕州是也遼史謂即平壤城又以遼所置東

京之顯州為本  
顯德府地皆誤

### 長嶺府

在吉林城西南 新唐書長嶺營州道又渤海長嶺府領取河二州 遼史地理志東京

長嶺府遼史本紀太祖天顯元年遣康默記韓延徽攻長嶺府八月下長嶺府 按長嶺府遼志不詳沿革或仍渤海之舊長嶺亦作長嶺古字相通今吉林西南五百里有長嶺子國語謂之果勒敏珠敦南接納魯窩集北接庫勒納窩集自長白山南一嶺環繞至此為眾水分流之地北流為雅吉善輝發等河入混同江西北流為英莪哈達葉赫克爾素等河長嶺府之名當取諸此錦州復州雖亦有長嶺皆不如此之最著則渤海長嶺府地為吉林長嶺子無疑 以上果勒敏珠敦各語解俱見疆域形勝山川等卷

雞林州

舊唐書龍朔三年詔以其國為雞林州都督府授其黃金法敏為都督新唐書王居

京城環八里龍朔元年以其國為雞林州大都督府咸亨五年王金法敏略百濟地守之上元二年劉仁軌破其衆于七重城以靺鞨兵浮海略南境又詔李謹行屯買肖城按唐書雞林

乃吉林語音之為詳見御製吉林覽古詩注

寧江州

在吉林城北混同江東岸遼史地理志寧江州混同軍清寧中置統縣一混同縣金

廢金史本紀太祖進軍寧江州十月朔克其城次來流城來流即今拉林河大金國志太祖十三年起兵攻混同之東寧江州遼高仙燾敗失寧江州遼再遣蕭嗣先屯珠赫店臨白江與寧江州女真兵對壘女真潛渡混同江掩擊之嗣先兵潰松漠紀聞寧江州去冷山百七十里地

苦寒每春冰泮遼主必至其地為樂金祖起兵  
首破此州按遼金二史金太祖起兵先攻寧  
江州遼守將蕭烏納戰敗棄城渡混同江而西  
是州在江以東矣高士奇扈從錄云大烏拉去  
船廠八十餘里即遼之寧江州也珠赫國語  
解見選舉卷原作出河烏納國語解見黑龍江  
山川卷原作元  
納今俱譯改

### 河州

在吉林境遼史地理志河州德化軍置軍罷  
坊按明人地志云廢河州在黃龍府北遼

置河州有軍罷坊又引一統志開元東北五百  
里有温登河源出坊州北山北流入松花江所  
謂坊州疑即河州矣考遼金無坊州第因河州  
有軍罷坊而遂以坊州屬之亦恐未足為憑也  
又接黃龍為開原地則河州在  
吉林境內無疑特舊址今無考

涑州

在吉林境其地與建州相近新唐書鄂銅涑三州為獨秦州獨秦猶言直隸州不轄於府

事得專達也通考涑州以其地近涑沫江得名蓋所謂粟末水也遼史地理志東京涑州渤海置

廢率賓路

在城東南新唐書率賓故地為率賓府領華益建三州遼史地理志東京率賓

府刺史故率賓國地金史地理志上京率賓路遼時為率賓府本率賓故地太宗天會二年以扎蘭路都貝勒所居地瘠遂遷於此海陵罷萬戶置節度因名率賓路節度使世宗大定十一年以扎蘭率賓相去千里既居率賓不可忘本遂命親管明安名曰扎蘭明安承安三年設節度副使西北至上京一千五百七十里東北至瑚爾哈一千一百里西南至海蘭路一千二百

里北至邊界二千里元廢金史本紀昭祖耀武  
至于率賓扎蘭之地所至克復又金史穆宗時  
圖們渾春水之交烏庫哩部均克卓多與率賓  
水烏庫哩達薩塔起兵于穆魯密斯罕城太祖  
往攻破之撫寧諸路如舊因致穆宗教圖們渾  
春葉赫錫馨四路及嶺東諸部自今勿復稱部  
長又金史康宗使碩碩歡撫定邊民率賓民不  
聽命使威泰等至和羅噶川召諸官僚告諭之  
率賓水居沃赫貝勒不至烏塔伐沃赫克之又  
金史太宗天會二年二月命徙扎蘭路都貝勒  
完顏忠于率賓水率賓原作恤品又作速頻  
扎蘭國語解見人物卷三原作耶懶又作押懶  
貝勒國語解見人物卷三原作孛莖明安國語  
解見錦州府山川卷原作猛安渾春國語解見  
建置沿革卷原作渾蠢烏庫哩八旗姓原作烏  
古論國語均克解見吉林山川卷原作留可國

語卓多織也原作詐都達薩塔修理也原作敵  
庫德穆魯國語解見吉林山川卷密斯罕墨線  
也原作末里迷石罕錫馨國語解人物卷四原  
作星顯碩歡國語解見人物卷四原作石適歡  
咸恭蒙古語解見人物卷三原作幹帶和羅噶  
蒙古語解見建置沿革卷原作活羅海沃赫蒙  
古語解見奉天府山川卷原作幹豁烏塔蒙  
古語解見名宦卷四原作烏塔今俱譯改

### 廢海蘭路

在城東南金置金史地理志置總管府  
貞元二年改總管為尹西北置上京一

千八百東南至高麗界五百里元史地理志海  
蘭府碩達勒達等路土地曠濶人民散居元初  
設軍民萬戶府五撫鎮北邊一曰桃屯距上都  
四千里一曰瑚爾哈距上都四千二百里大都  
三千八百里有瑚爾哈江并混同江又有海蘭  
河流入于海一曰鄂多里一曰托郭琳一曰布



呼江各有司承分領混同江南北之地其居民皆碩達碩勒女真之人各仍舊俗無市井城郭以射獵為業設官牧民隨俗而治元一統志自南京而南曰海蘭府又南曰雙城直抵于高麗之王京按金史本紀景祖時海蘭烏凌阿部錫馨距阻不服攻之又云景祖為人寬恕海蘭水有率眾降者錄其歲月姓名即遣去俾復其故又云自景以來兩世四主志業相因卒定離析一切治以本部法令東南至於伊勒呼海蘭扎蘭托卜古倫東北至于五國矩威圖塔金蓋盛於此又云穆宗末年阿蘇使德濟誘誦邊民海蘭甸人執之康宗遣使撫納四年高麗築九城于海甸以兵數萬來攻烏色敗之幹魯亦築九城與高麗九城相對高麗復來攻幹烏色復敗之高麗約以還遁逃之人退九城之軍復所請故地乃罷兵又太祖收國三年海蘭甸長城

高麗增築三尺詔慎固營壘又太宗天會二年  
海蘭路軍帥完顏呼嚕古等言往者歲捕海狗  
海東青鴉鷂于高麗之境近以二舟往彼乃以  
戰艦十四要而擊之盡殺二舟之人上曰以小  
故起戰爭甚非所宜今後非奉命毋輒往據此  
是海蘭路與高麗相接又按吉林寧古塔境內  
國初猶有海蘭路之名今考海蘭河不一其與高麗  
相近有安巴海蘭畢喇阿濟格海蘭畢喇在寧  
古塔南四百十里合流入布爾哈圖河以達噶  
哈哩河又寧古塔城西北二百里有海蘭窩集  
綿亘數百里別有海蘭河出焉東流入瑚爾哈  
河則元時海蘭府碩達勒達路明時海蘭衛所  
在與金時海蘭路之南近高麗者似非一處然  
今寧古塔城南至圖們江朝鮮界六百里而南  
北皆有是河則是海蘭窩集延袤至廣大小海  
蘭河其皆金時海蘭路一帶舊壤也 碩達勒

遼國語解見建置沿革卷原作水達達桃屯蒙  
古語解見建置沿革卷原作挑温瑚爾哈蒙古  
語解見吉林山川卷原作胡里改鄂多哩原作  
幹朵憐托郭林蒙古語解見建置沿革卷原作  
脫幹憐國語布呼鹿也原作孛苦烏凌阿八旗  
姓原作烏林阿國語伊勒呼一順也原作乙離  
骨托卜正也古倫國語解見人物卷三原作文  
骨論唐古特語矩成遊行也原作主隈國語圖  
塔存留也原作禿答阿蘇國語解見黑龍江山  
川卷原作阿疎國語德濟上分也原作達紀烏  
色解見人物卷原作幹寨蒙古語呼  
魯古手指也原作忽刺古今俱譯改

歸仁廢縣

舊志在開原縣東北吉林界遼史地理  
志通州安遠軍本扶餘國王城渤海號

扶餘太祖改龍州聖祖改今名統安遠通遠歸  
仁漁谷四縣金州廢縣併入歸仁屬咸平府元

初廢遼東行部誌歸仁縣遼時為安州元一統志歸仁故城在咸平府北舊安州金皇統三年改為縣後廢故址猶存全遼志開原北陸路第三站曰歸仁站即故縣也又玉山廢縣亦在開原東吉林烏拉界金承安三年以穆遜珠巴郭勒之間相去六百里之地置縣屬咸平府貞祐二年升為州金末廢按遼志有兩歸仁縣一隸遼陽穆遜蒙古語解見黑龍江山川卷蒙古語珠巴盤道也郭勒河也原作瑪速集平郭勒今譯改

### 烏爾古德呼勒部

金史地理志烏爾古德呼勒統軍司後升為招討司與夫餘路

近按烏爾古德呼勒為遼國外十部之二烏爾古一部德呼勒八部不能成國附庸于遼時叛時服各有職貢猶羈縻州也見于遼營衛志部族表史言與夫餘路近當俟在今吉林境北

烏爾古蒙古語德特勒  
索倫語解俱見人物卷二

寧古塔

渤海上京

在寧古塔城西南新唐書渤海本粟末  
靺鞨附高麗者姓大氏高麗滅率衆保

挹婁之東牟山萬歲通天中契丹盡忠反有舍  
利齊齊克仲象者度遼水保大白山之東北阻  
鄂倫河自固武后封為鎮國公其子祚榮建國  
自號震國王地方五千里盡得扶餘沃沮弁韓  
朝鮮海北諸國先天中為渤海郡王以所統為  
呼爾罕州自是始去靺鞨號專稱渤海子武義  
直大圖字私改年號天寶末徙上京直隸國三  
百里呼爾罕河之東建五京十五府六十二州  
此為肅慎故地曰上京龍泉府賈耽曰自安東  
都護府東北經古蓋牟新城又經渤海王城城

臨呼爾罕河其西南三十里有古肅慎城其北  
經德里鎮至南黑水靺鞨千里又曰自神州陸  
行四百里至顯州又正北如東陸百里至渤海  
王城 按舊志謂渤海上京在烏拉境內今以  
唐書考之當在寧古塔西南境與金上京相近  
明一統志云金滅遼設都於渤海上京是也  
齊齊克仲象原作乞乞仲象蒙古語鄂倫缺也  
原作奧婁武義直大圖字原作武藝斥大土字  
今俱  
譯改

### 會寧府

在寧古塔城西南金史地理志上京路即  
海古勒之地今之舊土也國初稱為內地

天眷元年號上京海陵貞元二年遷都于燕削  
上京之號止稱會寧府大定十三年復為上京會  
寧府府一領節鎮四防禦一縣六鎮一舊有會  
平州天會二年築契丹之珠敦城也後廢又金

史會寧府初為會寧州太宗以建都升為府天  
眷元年置上京留守帶本府尹兼本路兵馬都  
總管後置上京海蘭等路提刑司戶三萬一千  
二百七十東至瑚爾哈六百三十里西至肇州  
五百五十里北至夫餘路七百里東南至率賓  
路一千六百里南至海蘭路一千八百里縣三  
松漠紀聞自上京至燕二千七百五十里三十  
里至會寧頭鋪四十里至第二鋪三十五里至  
阿薩爾鋪四十里至拉林河四十里至巴達貝  
勒鋪七十里至賓州渡混同江北盟會編出榆  
闌以東第三十八程至拉林河終日之內山無  
寸木地不產泉又五里至矩古貝勒寨盡女真  
人第三十九程至館去上京尚十里許元宗奉  
使行程錄過混同江四十里宿呼勒希寨三十  
六程自呼勒希寨東行五里契丹南女真舊界  
也八十里至拉林河行終日無寸木地不產泉

人攜水以行渡河五里至矩古貝勒寨第三十  
七程自矩古貝勒寨七十里至達河寨第三十  
八程自布達寨行二十里至烏舍郎君宅又三  
十里至館此去北庭尚十里高士奇扈從錄沙  
林東南十五里曰大茸城金之上京會寧府也  
廣四十餘里中間禁城可里餘三殿基址皆在  
碎碧瓦暴布其上禁城外有大石佛高可三丈  
許蓮花承之前有石塔向東小歇出大城而西  
則芟荷彌渚逶迤綿渺莫窮其際渚間有亭榭  
遺跡自沙林而東八十里為寧古塔按金史  
原文云國言金曰按出虎以按出虎水源於此  
故曰金源建國之號蓋取諸此考國語金曰愛  
新金史舊解以金為按春國語耳墜也耳墜以  
金為之因誤為金并按出虎亦誤為金吉林境  
內無愛新水亦無按春水考之當為阿勒楚喀  
河蓋據松漠紀聞北盟會編及大金國志諸書



金上京行程過拉林河一程即至上京驛東去阿勒楚喀不過百餘里阿勒楚喀河源在吉林城北拉林河源在吉林城東北而金上京宮闕在混同江二百六十里去拉林河一百七十五里核之則即阿勒楚喀之明證也且金太祖實錄云契丹以鑛鐵為國號鑛鐵雖堅終有銷壤惟金一色最為珍寶自金本國可號大金亦並未云有金水源也又按舊志云寧古塔西南六十里瑚爾哈河之南有古大城周三十里四面七門山城周五里東西南各一門內有宮殿舊址即會寧府之遺跡也今按之松漠紀聞北盟會編奉使行程錄所載里數俱同可見金上京之地總在今寧古塔之西混同江之東其去混同江二百六十里以今道里按之當在塞齊窩集左右塞齊窩集嶺上有故城址相傳為金時闕門蓋自船廠東十里過混同江至尼什哈站

三十里至交密峰四十里至額赫穆站十里至納穆窩集三十里至山神廟五十里至拉廢站七十里至推屯站三里至塞齊窩集又東三百九十里至寧古塔塞齊窩集在吉林城外混同江東二百四十餘里而拉林河源之拉林山在城東北二百四十五里阿勒楚喀河源之扎松

阿山在城東北三百里俱屬相近

本朝康熙十六年寧古塔將軍薩布蘇以繩量道里量度為丈百八十八丈為里自寧古塔西關門量至吉林東關門凡九萬八千丈為五百五十里後分八站作六百三十里雖古今里數未必盡同然正約畧可見耳又按瑚爾哈路為寧古塔地今自吉林至寧古塔城凡程站里數亦約畧相同正無可疑也 蒙古語海古勒行軍殿後也原作海古珠敷蒙古語解見吉林山川卷原作周特蒙古語阿薩爾閣也原作阿薩國語

巴達張大也原作報打矩古唐古特語矩十數也古身也原作句孤布達國語解見吉林山川卷原作簿撻烏舍國語解見流寓卷原作兀室今俱譯改

廢瑚爾哈路

在寧古塔城東渤海上海地金史地理志瑚爾哈路初置萬戶海陵改置

節度使永安三年置節度副使西至上京六百里三十里北至邊界哈喇巴圖千戶一千五百里又金太宗天會六年徙昏德公重昏侯于韓州八年徙瑚爾哈路元史地理志瑚爾哈距上都四十二百里大都三千八百里有瑚爾哈江并混同江又有海蘭河流入于海 瑚爾哈國語解見吉林山川卷原作胡里改哈喇蒙古語解見疆域形見黑龍江山川卷二巴圖蒙古語解見疆域形勝卷原作合里賓忒今俱譯改

曲江故縣

舊志在故會寧城東北。余史地理志大定七年置鎮東縣屬會寧府。十三年改

曰曲江。又有宜春縣。亦大定七年置。屬會寧府。元初與府俱廢。按曲江初名鎮東。以在會寧之東也。以其當水曲之地。故名曲江。今寧古塔城正當瑚爾哈河灣曲處。疑即是曲江縣也。

白都訥

肇州

在白都訥城南。余史地理志肇州防禦使。舊名珠赫店。天會八年。以太祖兵勝遼。肇基王

迹于此。遂建為州。天眷元年。置防禦使。隸會寧府。海陵時。嘗為濟州支郡。承安三年。復以太祖神武龍興之地。升為節鎮。軍名武興。五年。置漕運司。以提舉兼州事。後廢。軍貞祐二年。復陞為為武興軍節鎮。置招討司。以使兼州事。戶五千三百七十五。縣一。始興與州同時置。有鴨子河。

黑龍江金史本紀遼都統蕭嘉哩副都統托卜  
嘉將步騎十萬會于鴨子河北太祖自將擊之  
黎明及河遼兵方壞陵道選壯士十輩擊之大  
軍繼進遂登岸與敵遇于珠赫店會大風起塵  
埃蔽日乘風擊之遼兵潰逐至沃楞樂殺獲不  
可勝計遼人嘗言女真兵若滿萬則不可敵至  
是始滿萬云元一統志上京之北曰肇州治始  
興縣金皇統三年置按元志建置年號與金  
史異史言黑龍江在州境與所言上京之北正  
合又金史帝紀即稱混同一名黑龍江故史志  
多誤混為一又按元時亦有肇州元志附于廣  
寧路下注云按哈喇巴圖魯傳至元三十年世  
祖謂哈喇巴圖魯曰納延故地曰巴拉呼者產  
魚吾今立城而以伊斯蘇彈哈喇納蘇奇爾濟  
蘇三部人居之名其城曰肇州汝往為宣慰使  
既至定市里安民居得魚九尾皆千斤來獻又

成宗紀元貞元年立肇州屯田萬戶府以遼陽  
行省左丞阿薩爾領其事而元一統志與經世  
大典皆不載此州不知其所屬所領之詳舊志  
以廣寧為納延分地附注于廣寧之下蓋以元  
之肇州明初已不知所在今考博多歡傳太祖  
分封東諸侯以二十為率納延得其九五則其  
地自大不但廣寧而已又伊實特穆爾傳云納  
延之遺孽哈丹托壘復叛伊實特穆爾過黑龍  
江搗其巢穴可知黑龍江左右實納延故地疑  
元之肇州即仍金舊且近混同黑龍二江故產  
大魚耳今白都城東南阿勒楚喀河西岸古  
岸周二十里內子城周四里南距吉林城三百  
四十里東去會寧城六百里與金史道里相合  
疑即肇州遺址又按北盟會編遼天慶四年金  
太祖會集諸部全裝軍二千餘騎首破混同江  
之寧江州大敗渤海之衆獲甲馬三千又敗蕭

嗣先于珠赫店及拉林河黃龍府咸州好草峪  
四路都統誅斬不可勝計據此則肇州在拉林  
河之東吉林之北益明矣 珠赫國語解見選  
舉卷原作出河嘉哩國語解見黑龍江山川卷  
原作札里托卜嘉國語解見人物卷二原作撻  
不野國語沃楞波紋也原作幹論蒙古語哈喇  
黑色也國語巴圖魯勇也原作哈喇八都魯納  
延蒙古語解見黑龍江城池卷原作乃顏蒙古  
語阿巴喇呼斫獵也原作阿八刺忽烏蘇哈喇  
蒙古語解見黑龍江山川卷哈納斯蒙古語從  
何處之謂奇爾班點也濟蘇顏色也原作兀連  
慙哈納思乞里吉思額森蒙古語解見名宦卷  
三原作阿散國語博多歡謀畧也原作博都歡  
伊實唐古特語解見人物卷二特穆爾蒙古語  
解見名宦卷三原作玉昔帖木兒哈丹托壘蒙古  
語哈丹山峰也托壘小猪也原作哈丹禿魯干

今俱  
譯改

# 長春州

其舊址應在今白都訥地及杜爾伯特扎  
賴特階州之北境遼史地理志長春州詔

陽軍木鴨子河春獵之地興宗重熙八年置統  
縣一長春縣本混同江地戶二千金史地理志  
泰州昌德軍本契丹二十部族牧地大定二十  
五年罷永安二年復置于長春縣北至邊四百  
里南至懿州八百里東至肇州三百五十里戶  
三千五百四縣一曰長春即遼長春州天德二  
年降為縣隸肇州永安三年來屬大金國志太  
祖十四年遼天祚帝率蕃漢兵十餘萬出長春  
路分五部北出駱駝口太祖乘其未陣三而擊  
之天祚大敗退保長春太祖乘勝逐平渤海遼

陽等四

十四州



三姓

五國部

在寧古塔城東北亦曰五國頭城遼史營衛部族志五國部博和哩國博諾國鄂羅

穆國伊埒圖國伊勒希國聖宗時來附命居本土以鎮東北境屬黃龍府都部署司重熙六年設節度使以領之契丹綱志女真東北與五國為鄰五國之東接大海出名鷹白東海來者謂之海東青遼人酷愛歲歲求之女真至五國戰鬪而後得不勝其擾大金國志宋二帝自韓州徙五國城五國城者在西樓東北千里北盟會編五國之東接大海出海東青女真每發甲馬千餘人入五國境接東海巢穴取之與五國戰鬪而後得金史本紀景祖時五國之諾部節度使叛遼應路不通景祖曩擒之又遼咸雍八年五國穆延部舍音貝勒叛遼應路不通景祖伐

之舍音敗走元一統志開元路三京故國五國  
舊城東北一都會也又云混同江發源在長白  
山北流經渤海建州西五十里會諸水東北流  
上京下達五國頭城北又東北注于海明一統  
志五國頭城在萬里衛北一千里自此而東分  
為五國舊傳宋徽宗葬于此高士奇扈從錄自  
寧古塔東行六百曰章圖哩噶善松花黑龍二  
江合流于此有大土城或云五國城按五國  
城之說不一或謂寧古塔東松花黑龍二江合  
江之處有土城焉或以為在朝鮮北境近寧古  
塔有故城在山上或以為去燕京三千八百里  
西至黃龍府二千一百里或謂寧古塔相近槍  
頭街有舊城址五疑即是也據金太宗本紀云  
天會六年徙昏德公重昏侯于韓州八年再徙  
瑚爾哈路則實在寧古塔地宋史稱韓州五國  
城誤合為一地第諸書皆約略之辭未有實據

今三姓地方有五國城遺址 博和哩國語解  
見吉林山川卷原作剖阿里國語博諾雷也原  
作益奴里亦作蒲聶蒙古語鄂羅穆渡口也原  
作奧里米伊埒圖蒙古語解見名宦卷三原作  
越里篤伊勒希國語解見人物卷二原作越里  
吉穆延八旗姓原作文撫舍音國語解見人物  
卷三原作謝野章圖噶善原  
作羌突里噶尚今俱譯改

### 阿勒楚喀

### 賓州

在阿勒楚喀境本渤海城遼史地理志賓州  
懷化軍節度本渤海城統和十七年遷烏舍

戶置刺史于鴨子混同二水之間後升兵事隸  
黃龍府都部署司金史本紀太祖十三年命布  
呼等攻拔賓州烏舍楚古爾蘇來降遼將徹格  
爾戰于賓州布呼敗之鐵驪王以所部降松漠

紀開翁舍辰國最小不知其始所居後為契丹  
徙置黃龍府南百餘里曰賓州州近混同江即  
古之粟末河部落雜處以其族之長為千戶統  
之又契丹自賓州混同江北八十里建寨守禦  
女真契丹國志宋政和五年金太祖攻遼破賓  
州元一統志上京故縣古肅慎氏地渤海大氏  
改為上京金既滅遼即上京建邦設都後改會  
寧府京之南曰建州京之西曰賓州又西曰黃  
龍府又廢祥州在賓州西南遼祥州瑞聖軍統  
懷德縣屬黃龍府遼史地理志祥州瑞聖軍節  
度興宗以鐵驪戶置兵事隸黃龍府都部署司  
統縣一懷德縣金史太祖十三年烏達布復敗  
徹格爾蕭伊蘇于祥州東斡彈等兩路降又廢  
威州在賓州南遼置亦曰武寧軍屬黃龍府契  
丹國志宋政和五年金太祖攻遼取祥威二州  
進薄益州按鴨綠江一名益州江則益州實

與鴨綠江近當在長白山西南但遼史不言仍  
渤海之舊今故址無考布呼解見本卷前原

作僕虺烏舍國語解見流寓卷三原作兀室蒙  
古語楚古爾蘇杉木也原作雖骨室徹格爾蒙

古語解見忠節卷原作赤狗兒翁舍展八旗姓  
原作嘔熱者國語烏達布令買也原作吾都布

伊蘇蒙古語解見人物卷二原作乙薛  
幹理國語臭也原作幹勿今俱譯改

### 完顏部

在阿勒楚喀境詳會寧府按出虎注金史  
木紀金之先居肅慎地有混同江長白山

混同江亦號黑龍江所稱白山黑水是也始祖  
居完顏部布爾噶水之涯弟博和哩居扎蘭至

獻祖徙居海古勒水始有棟宇之制遂定居于  
阿勒楚喀之境昭祖耀武至于青嶺白山順者

撫之不從者討之景祖稍從屬諸部自白山葉  
赫圖們扎蘭托卜古倫之屬以至五國之長皆

聽命是時遠之邊民有逃而歸者鐵驪烏舍之  
民亦逃而未歸前後願附者衆鄂敏水富察部  
特克仲特布水完顏部同們水溫特赫部舍音  
水完顏部皆相繼來附又金史太祖進軍次遼  
海城諸路兵皆會于拉林水遇遼軍敗之進軍  
寧江州諸軍填壘攻城十月胡克其城鐵驪部  
來送款次拉林城以俘獲賜將士拜格酋長和  
索哩以降城蒙古語布爾噶叢柳也原作傑  
幹葉赫部名原作耶悔國語鄂敏飲也原作幹  
泯窩察八斡姓原作蒲察特克仲特補國語特  
克仲齊也特布令其望也原作泰神忒保溫特  
赫八斡姓原作溫迪痕舍音國語解見人物卷  
三原作神隱拜格原作鼈古國語和  
索哩鹿皮也原作胡蘇今俱譯改

## 琿春

東海窩集部

在彈春城東南凡沿海林木叢茂處皆為窩集明時有胡葉綏芬雅蘭西

林赫錫赫鄂摩和索囉佛訥赫那木都魯烏勒固宸穆核扎庫塔東額赫庫諸部我

太祖於

丁未歲至甲寅歲俱克收其部撫降之詳見城池卷

黑龍江境內郡縣古蹟

齊齊哈爾

故夫餘路

在齊齊哈爾城東南原作蒲與今譯改金史地理志夫餘路國初置萬戶海陵

例罷萬戶改置節度使承安三年設節度副使南至上京六百七十里東南至瑚爾哈路一千四百里北至北邊界和爾和屯穆昆三十里又金史金之壤地封疆東極齊喇敏烏達哈諸野

人之境北自夫餘路之北三千餘里和爾和屯  
穆昆地為邊元史夫餘路屯田萬戶府世祖至  
元二十九年十月以蠻軍三百戶女真一百九  
十戶於咸平府屯種三十年命本府萬戶呼嚕  
古岱領其事乃于楚勒罕拉林等處立屯仁宗  
大德二年撥蠻軍三百戶屬肇州蒙古萬戶府  
止存女真一百九十戶依舊立屯為田四百頃  
國語和爾和樞也原作火魯火濟喇敏厚也原  
作吉里迷蒙古語烏達噶次數也原作兀的呼  
嚕古蒙古語解見本卷前岱有也原作和魯古  
解國語楚勒罕會盟也  
原作茶刺罕今俱譯改

### 黑龍江

### 故黑水府

在黑龍江境內新唐書黑水靺鞨傳開  
元十年其部長來潮拜勃利州刺史於



是置黑水府以部長為都督領黑水經畧使其地南距渤海東北皆際海西抵室韋南北袤二千里東西千里地里志黑水州都督府開元十四年置唐會要武德三年部長突地稽遣使朝貢以其部置然燕州以其長帥為都督總管真觀十四年以黑水地為黑水州開元十三年於黑水部落內置黑水軍續又以最大部落為黑水府仍以其領都督諸部刺史隸屬馬冊府元龜黑水帥突地稽隋末率部落千餘家內屬處之管州唐武德初以其部落置燕州以突地稽為總管通考開元十年拜黑水部長帥為渤海州刺史於是安東都護請置黑水府以部長為都督刺史領黑水經畧使

故開元路

在黑龍江境內元史地理志古肅慎之地隋唐曰黑水靺鞨唐初渠長阿固郎

始來朝後乃臣服以其地為燕州置黑水府其  
後渤海盛靺鞨皆役屬之入其後渤海浸弱為  
契丹所攻黑水復曠其地東瀕海南界高麗西  
北與契丹接即金始祖之部落也金太祖既滅遼  
即上京設都元初乙未歲立南京萬戶府治黃  
龍府至元四年更遼東路總管府二十三年改  
為開元路領咸平府復割咸平為散府俱隸遼  
東通宣慰司中統三年割遼河以東隸開元路  
四年罷開元宣慰司元一統志南鎮長白之山  
北浸鯨州之海三京故國五國舊城亦東北一  
都會也開元勁健善戰習射獵有狗車木馬輕  
捷之便木馬形如彈弓馬四尺濶五寸一左一  
右繫於兩足激而行之雪中冰上可及奔馬狗  
車以木為之其制輕簡形如船長一尺濶二尺  
以數狗拽之二者皆于冰上雪中行之按開  
元之地元時所轄甚廣吉林寧古塔以北皆在

其中但元史志云即唐黑水府元一統志亦云  
三京故國五國舊城則開元路之為黑龍江地  
面毫無疑義不得以其後徙治開元且因明有  
開原衛之設遂拘泥以為開元一縣之地始為  
開原路也又按木馬國語謂之遼塔哈狗車國  
語謂之舍爾赫漢語謂之爬犁今吉林黑龍江  
境內皆有之


### 呼倫布爾

### 臨潢府

遼史地理志上京臨潢府本漢遼東郡西  
安平之地天顯十三年更名上京府曰臨

潢轄軍府州城二十五統縣十上京太祖創業  
之地負山抱海天險足以為固地沃宜耕植水  
草便畜牧金甌一箭二百年之基壯矣金史地理  
志臨潢總管府地名西樓遼為上京國初因之

天眷元年改為北京天德二年改北京為臨潢府路貞元年以大定府為北京置臨潢路大定後罷路併入大定府路按遼志上京道有大神淀興國惠明湖及涼淀為今呼倫布爾爾池庫楞湖涑流三面繞京為今烏爾繳河東入曲江則入于松花江也潢水出興安嶺則遼上京之在呼倫布爾及車臣汗部界已屬可據雖其所轄之府州二十二縣十俱有在邊外者而臨潢既可按圖而稽宜誌之以補前志所未及並於古蹟名勝條下詳志焉



欽定盛京通志卷一百二

欽定四庫全書

史部  
欽定盛京通志卷一十三  
四

侍郎臣劉躍雲覆勘

總校官編修臣朱鈐

欽定四庫全書

欽定盛京通志卷一百三

古蹟四

奉天吉林黑龍江境內明衛所地面考





欽定四庫全書

欽定盛京通志卷一百三

古蹟

奉天吉林黑龍江境內明衛所地面考

謹案明時邊境其東北盡於開原鐵嶺永樂初仿唐羈縻州之制設立各衛空名而明實錄明會典諸書遂載至四百五十有八衛雖案年牘叙類皆支離附會毫無足據不特明之疆土本

無此廣遠即其所置各衛大抵傳聞約畧好為  
誇大其辭以炫耀一時耳恭閱

實錄天命三年我

太祖初舉伐明諭降撫順城按今撫順在承德縣東八十  
里明人於此設關其邊境止此已可概見且如  
清河靉陽寬甸諸堡皆近接鹹厥鳳凰等城而  
東海之窩集部長白山之納殷路明人未嘗稍  
涉其境又何能越寧古塔黑龍江而悉置衛所

程站耶乃當時載筆者強為臆說妄事鋪張所謂扣槃之見徒為識者嗤鄙至其對音舛訛不可枚舉爰博考山川疆域依義譯改並於各衛下分條加案詳晰糾正而明寶錄諸書之不足傳信益因之可見焉

### 窩集衛

窩集國語解見吉林山川卷舊說兀者本譯改明寶錄永樂元年部長錫揚哈舒什

哈進馬置窩集衛以錫揚哈為指揮舒什哈為指揮同知案漢魏之沃沮元之烏者吾者明之兀者其部族不一而地甚廣袤以音與地求之蓋即窩集也

國初名東海窩集部所屬有瑚爾哈赫  
濟赫寧古塔等路並詳城池卷

窩集左衛

明實錄永樂二年置以部  
長托克托和為指揮同知

窩集右衛

明實錄永樂二年置以  
部長諾海為指揮同知

窩集後衛

明實錄永樂二年置以部  
長徹伯爾為指揮同知

畢哩衛

明實錄永  
樂三年置

錫勒們衛

錫勒們國語解見吉林山川卷有二  
訛失里縣又有二一訛失里木一訛細

木本並譯改明實錄永樂三年置九年以部人  
哈陞格為指揮使 察吉林城西南八百九十

餘里有錫勒們河此衛與下  
哈勒理衛同置地亦相近

哈勒琿衛

哈勒琿國語解見吉林山川卷舊訛虎爾文又有一訛阿免溫今並譯改明實

錄永樂三年置以部人綽爾布顯額爾吉納等為指揮等官 察吉林城西南九百里有地名

哈勒琿穆教有哈勒琿河即溫水河也

薩里衛

蒙古語薩里地考也舊訛撒力又有二訛撒里今並譯改明實錄永樂三年置以巴

萌等處部人茂義等為指揮僉事 察寧古塔城東北六百五十里有巴蘭窩集在混同江北

又吉林有巴蘭河巴蘭屯又有薩里屯當即是也並詳山川卷

齊巴噶衛

蒙古語齊巴噶來也有二舊訛赤不罕又訛赤卜罕今並譯改明實錄永樂三

年蒙古部人實爾哈岱爾來朝置衛以實爾哈岱爾為指揮

屯河衛

屯國語解見吉林山川卷明實錄永樂三年置案屯河在寧古塔東北詳見山川

卷

安河衛

安國語解見黑龍江山川卷明實錄永樂三年置案安河在呼倫布爾北七百

十里詳見

山川卷

摩琳衛

摩琳國語解見吉林山川卷舊說毛隣元史作木隣今譯改明實錄永樂三年置

案摩琳山摩琳河俱在吉林東北解見山川卷

堅河衛

明實錄永樂三年置案輿地志無此河名惟墨爾根城西有糾河音與相近又寧

古塔城東四里有珊延河亦有作商堅河或明人誤裁稱一字耳珊延國語解見吉林山

川卷

右城衛

明實錄永樂三年置以部長哈清阿為指揮

喀穆河衛

舊訛古賈今譯改明實錄永樂四年置案喀穆河在呼倫布爾北三百四

里十

塔山衛

明實錄永樂四年置以部長達拉齊為指揮案塔山在開原城東二十五里明時

北關所在又布爾德庫蘇巴爾罕山上有塔山皆葉赫國地明時又嘗以衛都督授哈達部主益哈達強時葉赫嘗屬之耳塔山衛按之當係葉赫之塔山

額音楚衛

額音楚國語解見關郵卷舊記兀也吾今譯改明實錄永樂四年二月置以部

長多羅為指揮 案自吉林至寧古塔路程九  
十里至額赫茂站 九十里至額爾楚站 額赫茂

國語解見吉

林山川卷

嘉河衛

明實錄永樂四年嘉河等處人進馬因置  
嘉河等三衛 案嘉哈河在吉林西南嘉

河或即  
其地耳

哈密衛

案哈密在西部不應遼瀋之東有此地名  
明實錄稱永樂四年因嘉河人進馬與嘉

河衛同置其訛外實不可詰 又案嘉哈河毗

連之地有哈實瑪畢喇或因音有緩急致誤亦

未可定今姑仍原

文並附糾其誤

温都衛

舊訛幹灘今詳以明實錄永樂四年與嘉  
河同置原作幹灘又訛幹難乃元始興之



地即今鄂倫河與嘉河遠不相涉考興京西一百五十里有赫圖河亦名溫都河音轉而訛

為幹  
灘耳

### 達喜穆魯衛

達喜穆魯國語解見吉林山川卷舊說達魯木今譯改明實錄永樂四年

置為葉赫國地部長祀孔額嘗授達喜穆魯衛都督僉事即明時所稱北關也我

太祖於己未年滅之

考葉赫相近惟達喜穆魯山南

為瞻河北為葉赫傳聞不審誤倒其音耳

### 蘇完河衛

舊訛蘇溫今譯改明實錄永樂四年二月置考

國初有蘇完部我

太祖戊子年來歸其故地在吉林惟無此河名或古今異

稱也

阿蘇江衛

明實錄永樂四年二月置

率賓江衛

舊說速平又例訛為速江平今並譯改案率賓今渤海府名金史地理志有

蘇濱水亦作恤品明一統志作恤品河在建州東南千餘里河已無考以音求之即率賓也又今開原東南一百九十餘里有碩賓河與率賓音亦相近疑明人不知碩賓之即為恤品而誤傳在遠地耳碩賓河詳見山川卷

吉河衛

明實錄永樂四年三月置以部人速魯疎阿為指揮考東北河名之有吉字者甚多

此未知所屬

雙城衛

明實錄永樂四年七月因温托琿等處部人吉里納入朝置雙城等五衛諸人因市

易而來並非部長  
不必同為一部也

薩喇衛

薩喇國語解見吉林山川卷有二舊訛撒  
喇兒又訛失喇今並譯改明實錄永樂四

年七月置案薩喇河薩喇站俱在寧  
古塔西不及百里並見山川關邦卷

尼瑪蘭衛

尼瑪蘭國語解見奉天府山川卷舊訛  
亦馬刺今譯改明實錄永樂四年七月

置考尼瑪蘭河源出約魯窩集  
西流入蘇子河詳見山川卷

圖倫衛

圖倫國語解見吉林城池卷舊訛脫倫今  
譯改明實錄永樂四年七月置案圖倫

太祖

初為蘇克素護河部地有圖倫城我  
癸未年攻克之詳見城池卷

巴延衛

巴延國語解見疆域形勝卷舊訛卜顏今  
譯改明實錄永樂四年七月置案吉林

烏拉有巴延阿林巴延畢喇巴延鄂謨  
巴延站地名不一明時衛名未詳何屬

烏拉衛

烏拉國語解見建置沿革舊訛兀蘭又  
有二訛兀刺今並譯改明實錄永樂四年

八月烏拉等處部人奇爾罷紐爾等來朝置烏  
拉伊爾托漢費森四衛案

太祖

國初烏拉國城在吉林城北七十里混同江東我  
癸丑年平其國詳見城池卷

伊爾庫魯衛

舊訛亦兒古里今譯改案伊  
爾庫魯葛珊在寧古塔東北

托摩河衛

托摩國語解見黑龍江山川卷有二舊  
訛脫木又有一訛塔木今並譯改案

托摩河在黑龍江東北  
三百七十里見山川卷

費森衛

有二舊訛福三又訛弗山今並譯改與烏  
拉衛同置案費森也在寧古塔東北

塞珠倫衛

塞珠倫國語解見吉林山川卷有三一  
訛扎木哈一訛撒只判明會典又訛撒

竹藍今並譯改明寶錄永樂四年八月置以部  
人羅爾布哈為指揮五年正月又置塞珠倫河

衛 南九百九十五里詳見山川卷  
案塞珠倫河在吉林城東

肥河衛

明寶錄永樂四年九月置以圖河錫勒們  
山等處人為指揮等官 案圖河在寧古

塔北穆陳河之西錫拉們山在阿勒楚喀城西  
二百餘里皆無所謂肥河若以圖河之人官於

他部更無是理地在邊外數千里明人  
又安能號令及其其誤蓋無從致詰矣

穆陳衛

穆陳國語解見吉林山川卷舊訛密陳今  
譯改明寶錄永樂四年十月與布爾堪衛

同置以部人照齊布哈等為指揮 案穆陳河  
在吉林城東南三百十里又寧古塔城西七十

里亦有穆陳河  
詳見山川卷

布爾堪衛

舊訛卜刺罕今譯改與穆陳衛同置  
案布爾堪河在吉林城南四百七十里

詳見山

川卷

扎敦衛

舊訛扎童今譯改明實錄永樂四年十一月置以部人揚珠布哈等為指揮 案齊

齊哈爾西六百八

十里有扎敦昂阿

薩爾濟衛

薩爾濟國語解見奉天府山川卷舊訛撒兒忽今譯改明實錄永樂四年十一

月置考薩爾濟城屬蘇克素護河部我

太祖於永未年攻克之詳見城池卷

哈達河衛

哈達國語解見京城卷舊訛罕答今譯改明實錄永樂四年十一月置 案哈

太

祖於己亥年滅之詳

見山川卷

國初有哈達國我  
遼河在吉林城西南六百里

穆勒肯山衛

舊訛木魯漢今譯改明實錄永樂四年十二月烏拉等處部人和索哩成

格奇納等來朝置衛於搜里之地烏拉等訛吾  
蘭披里舊訛掃隣今並譯改案穆勒肯河在

今吉林東北一千八百里與搜里河相近  
並無穆勒肯山疑當時以地名傳誤耳

窩集前衛

舊訛兀者今譯改明  
實錄永樂四年置

伊罕河衛

伊罕國語解見吉林山川卷舊訛亦罕  
今譯改明實錄永樂四年置案伊罕

河在吉林城東北二  
十五里詳見山川卷

拉林河衛

拉林國語解見建置沿革卷舊訛納連  
今譯改明實錄永樂四年置 案拉林

河在吉林城東北二百  
二十五里詳見山川卷

穆楞河衛

穆楞蒙古語解見疆域形勝卷舊訛麥  
蘭又有二一訛木蘭一訛木郎今並詳

改明實錄永樂四年置五年正月又以部人納  
尼為指揮 案穆楞河在寧古塔城東四百里

太祖

國初穆楞路屬東海窩集部我  
於辛亥年征取之並詳山川卷

鄂倫衛

鄂倫衛語解見吉林山川卷舊訛幹蘭今  
譯改明實錄永樂四年置六年二月又置

沃楞河衛 案鄂倫河在寧古塔  
城東二十五十八里詳見山川卷

瑪延山衛

瑪延國語解見疆域形勝卷舊訛馬英  
今譯改明實錄永樂四年置 案瑪延



達巴罕在吉林  
城南一百餘里

圖呼哩山衛

國圉哩國語解見黑龍江山川卷舊訛  
土魯字今譯改明實錄永樂四年置

索圖呼哩山在黑龍

江城東詳見山川卷

穆克圖哩山衛

穆克圖哩國語解見吉林山川卷  
有二舊訛木塔里又訛沒脫倫今

並譯改明實錄永樂四年置  
索穆克圖哩山在寧古塔東與烏蘇哩江相近

特林山衛

舊訛朶林今譯改明實錄永樂四年置  
索特林窩集在寧古塔境內詳見山

川卷

雅魯河衛

雅魯國語解見黑龍江山川卷舊訛  
里今譯改明實錄永樂四年置  
葉雅

魯河在齊齊哈爾  
城東詳見山川卷

### 齊努渾河衛

齊努渾國語解見吉林山川卷舊訛喜樂溫有三一訛喜喇烏一訛城討

溫明會典又訛喜速溫今並譯改明實錄永樂五年五月置齊努渾等十二衛以部人圖成阿等為指揮等官十二月以部人迪陞格為指揮柴齊努渾河在吉林城西南五十里詳見山

川卷

### 穆霞河衛

舊訛木陽又有一訛木興今並譯改明實錄永樂五年正月置 案穆霞河在

吉林境與圖們江  
相近詳見山川卷

### 海蘭城衛

海蘭國語解見建置沿革卷有三舊訛哈蘭又訛哈郎今並譯改明實錄永樂

五年正月置 業海蘭城在寧古塔城  
北六十里海蘭河北岸詳見城池卷

### 枯凌河衛

舊訛可令今譯改明實錄永樂五年正月置  
案枯凌河即大陵河古道今土人猶有枯凌河之稱與老邊河相近

### 烏登河衛

烏登國語解見黑龍江山川卷有二舊訛兀的人說文東今並譯改明實錄永樂五年正月置  
案烏登河在墨爾根城東南一百五十里

### 阿布河衛

阿布國語解見奉天府山川卷有二舊訛阿波今譯改明實錄永樂五年正月置  
案阿布河在寧古塔境內詳見山川卷

### 伊穆河衛

舊訛依木又有一訛野木今並譯改明實錄永樂五年正月二月分置  
案伊

穆河在呼倫布爾  
爾北詳見山川卷

伊努山衛

伊努國語解見吉林山川卷有二舊訛亦大今譯改明實錄永樂五年正月置

案案伊努山在吉林東南  
一百七十里詳見山川卷

阿濟衛

有二舊訛阿資又訛阿者今並譯改明實錄永樂五年正月置  
案吉林將軍所轄

地名有  
阿濟莊

珠倫河衛

珠倫國語解見吉林山川卷有二舊訛甫里入訛弗力今並譯改明實錄永樂

五年正月置  
案珠倫河在寧古塔城東南六百餘里詳見山川卷

都爾弼衛

有二舊訛朶兒必今訛朶兒平今並譯改明實錄永樂五年正月置

納穆河衛

納穆國語解見吉林山川卷有二一記  
納木今譯改明實錄永樂五年正月置

案納穆窩集在吉林城東八十里城  
東南諸河多發源於此詳見山川卷

佛爾們河衛

有二舊記甫門今譯改明實錄永樂  
五年正月置 案佛爾們河在吉林

城南四十五里  
詳見山川卷

庚吉音河衛

庚吉音國語解見吉林山川卷舊記  
哥吉今譯改明實錄永樂五年正月

置庚吉音河等五衛以部人克城額為指揮  
案庚吉音河在吉林東南八百二十七里詳見

山川  
卷

納爾吉河衛

納爾吉國語解見黑龍江山川卷舊  
記納刺吉今譯改明實錄永樂五年

二月置 崇納爾吉河  
在呼蘭詳見山川卷

伊拉齊河衛

伊拉齊國語解見吉林山川卷舊訛亦里察今譯改明實錄永樂五年二

月置 崇伊拉齊河在吉林  
城西九十里詳見山川卷

塔拉河衛

拾拉國語解見吉林山川卷舊訛塔  
今譯改明實錄永樂五年二月置 崇

塔拉河在吉林東四百四十  
里詳見山川卷又塔拉站

阿喇勒山衛

阿喇勒蒙古語解見黑龍江山川卷  
舊訛阿拉今譯改明實錄永樂五年

二月置 崇阿喇勒在黑  
龍江東北境詳見山川卷

綏滿河衛

有二舊訛隨滿又訛式木今並譯改明  
實錄永樂五年二月置 崇綏滿河在

潮河之

上流

三屯河衛

舊訛撒禿今譚改明實錄永樂五年二月置案三屯河在古林城南四百八

十里即輝發河之上流詳見山川卷

呼蘭山衛

呼蘭國語解見京城卷舊訛忽蘭今譚改明實錄永樂五年二月置案呼蘭

峰在葉赫城東北吉林城西南四百餘里又吉林城西北一百四十餘里別有呼蘭山詳見城

池山  
川卷

烏爾琿山衛

烏爾琿國語解見吉林山川卷舊訛古魯琿今譚改明實錄永樂五年二

月置案烏爾琿山在寧古塔城東南六百二十里詳見山川卷

哈喇烏蘇衛

蒙古語哈喇烏蘇黑水也舊訛考郎  
凡今譯改明實錄永樂五年三月黑

龍江等處部人珠赫瑚什祐等來朝因置哈喇  
烏蘇烏蘇哩二衛以珠赫為指揮瑚什祐為僉

事

烏蘇哩河衛

舊訛亦速理今譯改明實錄永樂五  
年三月與哈喇烏蘇衛同置案烏

蘇哩河即今烏蘇哩江在寧古塔  
境北流會混同江詳見山川卷

伊爾登河衛

舊訛野兒定今譯改明實錄永樂五  
年三月置以部人賈呼實為指揮

案伊爾登河在承德等南七  
十里與古呼城薩爾湖相近

巴勒達河衛

巴勒達國語解見吉林山川卷舊訛  
卜魯丹今譯改明實錄永樂五年三



太祖

於丁亥年遣大臣額亦都征取之或即是也詳見城

月置案巴勒達河在墨龍江西北千餘里與明邊境相去絕遠勢不能通

池卷

阿嚕河衛

阿魯蒙古語解見奉天府山川卷舊說阿里明會典又說阿吉今譯改明永樂

五年置案阿魯河在吉林城西南五百餘里詳見山川卷

推屯河衛

推屯國語解見吉林山川卷有二舊說禿都又說禿屯今並譯改明寶錄永樂

六年正月置以部人伯辰等為指揮案推屯河在吉林城東二百三十餘里詳見山川卷又有推屯站自吉林至寧古塔第三站也

實山衛

明實錄永樂六年正月置未詳  
何地又有一訛失山今詳改

呼拉爾吉山衛

有二舊訛忽里吉今詳改明實錄  
永樂六年正月置案黑龍江境

內有呼拉

爾吉屯

拉們河衛

拉們國語解見奉天府山川卷舊訛列  
門今詳改明實錄永樂六年正月置

們河衛

們蒙古語解見吉林山川卷舊訛莫溫今  
譯改明實錄永樂六年正月置案們河

在寧古塔東南五百里詳見山川卷

雅爾河衛

舊訛阮里今詳改明實錄永樂六年正  
月置案雅爾河在齊齊哈爾城西一

百二十里詳

見山川卷

察爾圖山衛

有二舊訛察刺禿又訛者刺禿今並  
譯改明實錄永樂六年正月置案

察爾圖山在英莪邊門外  
與扎凌及八家營子相近

雅哈河衛

雅哈國語解見吉林山川卷舊訛嘔罕  
今譯改明實錄永樂六年正月置案

雅哈河在吉林城西三百二十里  
又有雅哈城並詳山川城池卷

費克圖河衛

費克圖國語解見疆域形勝卷有三  
舊訛弗朶禿又訛弗朶脫又訛弗禿

部今並譯改明實錄永樂六年二月置以部人  
嘉凌阿和托為指揮案費克圖河在阿勒楚

喀之東三百餘里有費  
克圖站詳見山川卷

色埒河衛

色埒國語解見吉林山川卷舊訛薛列  
今譯改明實錄永樂六年二月置以部人

索靈阿為指揮同知 案色埒河

在齊齊哈爾詳見山川卷

喜雅哩河衛

舊訛希灘今譯改明實錄永樂六年二月置 案喜雅哩河在寧古塔東

北境詳見

山川卷

克默勒河衛

舊訛克默而本譯改明實錄永樂六年二月置 案克默勒河在吉林東

北境詳見

山川卷

章京河衛

章京國語解見奉天府山川卷舊訛阿真今譯改明實錄永樂六年二月置

案章京河在 興京境亦

作阿津河詳見山川卷

烏勒間山衛

烏勒間國語解見奉天府山川卷舊訛兀里溪今譯改明實錄永樂六年

二月置八年以部人薩音嘉為指揮徙居安樂  
州 樂烏勒間山在吉林城西南五百餘里詳

見山  
川卷

### 三岔河衛

舊說撒又本譯改明實錄永樂六年  
二月置樂遼河入海之處名三岔河當

時尚在明邊內未必說誤至此考白部訥城西  
北六十里有三岔河原文撒又應即此詳見山

川  
卷

### 額哲密河衛

額哲密國語解見吉林山川卷舊說  
阿者迷今譯改明實錄永樂六年二

月置 案額哲密河在吉林  
境內入混同江詳見山川卷

### 穆哈連河衛

穆哈連國語解見吉林山川卷有二  
舊說木忽剌又訛木忽魯今並詳改

明實錄永樂六年二月置  
索糖峽連河在寧古塔境內

### 奇集河衛

舊訛欽真今譯改明實錄永樂六年二  
月置 案寧古塔境內有奇集屯無此

名河

### 瑚爾哈河衛

瑚爾哈蒙古語解見奉天府山川卷  
舊訛兀魯呼又有一訛呼克海今並

譯改明實錄永樂六年三月置以訛赫等處  
部人博索等為指揮 案瑚爾哈河在寧古塔

城東南北流折入混同江訛赫城疑即本佛  
訛赫城在寧古塔城南正與瑚爾哈河上流相

近舊記暖暖河今並譯改  
國初瑚爾哈路佛訛赫城均屬東海窩集部我

太祖已亥年路長率衆朝謁自此每歲入貢又有南路瑚  
爾哈部北路瑚爾哈部俱乙丑年征取之又案

此下九衛俱明永

樂六年三月置

遼罕山衛

國語遼罕馬駒也  
舊訛塔罕今譯改

依什衛

依什國語解見吉林山川卷舊訛益密又  
有四一訛亦失一訛亦家一訛你實又有

依什左衛今並譯改案依什河在

吉林城東一百四十里詳見山川卷

綽拉題山衛

有三舊訛者列帖又訛者帖列今並  
譯改案寧古塔境內有綽拉題也

奇雅庫衛

奇雅庫國語解見吉林山川卷有二舊  
訛乞忽今譯改案奇雅庫河在吉林

城南六百五十餘里東流

入混同江詳見山川卷

羅羅衛

羅羅國語解見吉林山川卷舊訛刺魯今  
譯改案羅羅山在吉林城西一百二

十里詳見

山川卷

雅魯衛

雅魯國語解見黑龍江山川卷有二舊訛牙魯又訛也魯今並譯改案雅魯河在

齊齊哈爾城東

詳見山川卷

猷特哩衛

舊訛友鐵今詳改案猷特哩北在寧古塔東北

奇塔穆河衛

舊訛乞塔今詳改明實錄永樂六年置案奇塔穆河在打牲烏拉境詳

見山川卷

通肯山衛

通肯國語解見疆域形勝志有二舊訛童寬又倒訛為童山寬今並詳改明實

錄永樂六年置案通肯山在寧

古塔城東南七百里詳見山川卷



特林河衛

舊訛葛林今譯改明實錄永樂七年置以部人特穆爾等為指揮 案特林河

在寧古塔東北七十里詳見山川卷又案以下九衛俱明永樂年置

板長衛

舊訛把城今譯改 案板長峪在興京西南一百九十五里詳見山川卷

界藩河衛

舊訛扎肥今譯改 案界藩在興京西北一百二十里有界藩渡口

國初時自為一

寨後來歸

哈什螞衛

舊訛忽石門又有二一訛忽失木一訛忽思木今並譯改 案哈什螞山在鳳

凰城西北三百七十里詳見山川卷又嘉哈河附近有哈什螞河

扎凌山衛

有二舊訛扎嶺又訛禿倫今並譯改案扎凌地名在英義門內與察爾圖山

八家營

子相近

墨爾根衛

墨爾根國語解見建置沿革卷有二舊訛木里吉今譯改案墨爾根河在墨

爾根城東一里

詳見山川卷

穆遜河衛

穆遜蒙古語解見黑龍江山川卷舊訛木速今譯改案穆遜河在齊齊哈爾

之東南詳

見山川卷

赫圖河衛

赫圖國語解見京城卷舊訛好屯今並譯改案赫圖河在寧古塔西南流至

愛丹城入葛谷哩

河詳見山川卷

富勒堅衛

富勒堅國語解見黑龍江山川卷舊訛伏里其今譯改明實錄永樂七年四月

置以尼嚕罕部人瑚爾都納為指揮 案富勒  
堅城在寧古塔城南六百七十里詳見城池卷

### 福題希衛

舊記非提今譯改明實錄永樂七年五  
月改瑚爾哈衛為福題希衛以部人遠

實為指揮 案福題希  
乃瑚爾哈部內屯名

本朝崇德七年征瑚爾哈部落福題希等十屯人民  
俱降此既云改瑚爾哈為福題希而永樂十四  
年所置吉灘河衛又稱屬瑚爾哈福題希衛或  
當時本另置此衛名而明實錄誤為改名也按  
寧古塔東北  
有福題希屯

### 奇穆尼衛

有二舊訛乞勒尼又訛乞力尼今並譯  
改明實錄永樂七年置以瑚爾穆地部

人薩敦為指揮 案奇穆尼窩集  
在吉林東北一千七百里

愛哈衛

愛哈國語解見閩邨卷舊作愛和又作愛河今譯改明實錄永樂七年八月置案

鳳凰城東北愛哈邊門外有愛哈畢喇及愛哈河也即愛河也

博勒河衛

博勒河國語解見吉林山川卷舊記把和今譯改明實錄永樂七年八月與愛

哈衛同置以齊達納等為指揮使案  
博勒河在吉林西南詳見山川卷

鄂敦衛

鄂敦蒙古語解見黑龍江山川卷舊記阿倫明實錄永樂七年十月置以伊哩哈為

指揮僉事達揚  
阿等為千戶

塔瑪寶克衛

蒙古語塔瑪印也寶克相似也有三舊記塔瑪速又訛塔麻所今並譯改

赫通額衛

赫通額國語解見吉林山川卷有二舊記和也吉今譯改明實錄永樂七年置

案赫通額河在吉林城南一千四十里亦作和通吉又作合克通吉又作和通集其實一也

烏納河衛

烏納國語解見黑龍江山川卷舊訛古里今譯改明寶錄永樂七年置案烏

納在黑龍江北境詳見山川卷

庫稜河衛

庫稜國語解見吉林山川卷舊訛甫兒今譯改明寶錄永樂八年二月與舒藩

等三衛尙置以納恰等十九人為指揮等官案庫稜河在吉林東北詳見山川卷

舒藩河衛

舒藩國語解見吉林山川卷有二舊訛使坊又訛出萬今並譯改案舒藩河

在寧古塔城東南詳見山川卷

尼滿河衛

尼滿國語解見吉林山川卷有二舊訛亦麻今又訛亦蠻今並譯改按尼滿河

有二俱在吉林城東北詳見山川卷以上  
二衛俱明永樂八年與庫楞河衛同置

費雅河衛

費雅國語解見吉林山川卷舊訛法因  
今譯改明實錄永樂八年二月置以部

人圖拉等為指揮案費雅  
河在吉林城東詳見山川卷

阿穆爾河衛

阿穆爾國語解見吉林山川卷舊訛  
吉木又有三一訛可木一訛阿木今

並譯改明實錄永樂八年二月置案阿  
穆爾河在寧古塔城東北詳見山川卷

額音河衛

額音國語解見吉林山川卷舊訛兀應  
今譯改明實錄永樂八年二月置案

額音河在吉林城西南  
五百餘里詳見山川卷

噶齊克衛

舊訛葛稱哥今譯改明實錄永樂八年  
三月置以部人謝成格為指揮案噶

齊克地名在齊齊哈

爾西一百八十里

希禪衛

希禪國語解見忠節卷二有二舊訛喜中又訛喜辰今並譯改明實錄永樂八年十

月置以部人遷塔努為指揮  
案希禪屯在寧古塔東北

額埒河衛

額埒國語蒙古語解俱見吉林山川卷舊訛兀列又有三一訛兀力一訛兀里

今並譯改明實錄永樂八年十二月置  
案額

埒河在吉林東北又寧古塔有額勒赫肯河解

見吉林

山川卷

畢埒哩河衛

畢埒哩國語解見吉林山川卷舊訛卜魯兀又有一訛北魯兀今並譯改

明實錄永樂八年十二月置十二年又置  
案畢埒哩河在寧古塔城東北詳見山川卷

密密勒河衛

舊訛木剌明會典又訛木革今譯改明實錄永樂八年置 素察密勒河

在寧古塔東北

詳見山川卷

阿布達哩河衛

阿布國語解見奉天府山川卷達哩蒙古語解見黑龍江山川卷舊

訛阿荅力今譯改明實錄永樂八年置

案阿布達哩河在吉林西南詳見山川卷

畢瞻河衛

舊訛督罕今譯改明實錄永樂九年二月置以部人瑪吉尼為指揮 案畢瞻

河在寧古塔東

北詳見山川卷

濟爾瑪台衛

濟爾瑪台蒙古語解見黑龍江山川卷舊訛只兒蠻今譯改明實錄永樂

十年八月尼爾罕富爾堅烏拉等處部人來朝

置濟爾瑪台等十一衛以準圖努等為指揮



崇濟爾瑪台河在呼倫布爾  
爾東七十餘里詳見山川卷

順民衛

地名今吉林黑龍江境內無考

農額勒衛

農額勒圖語解見吉林山川卷舊訛囊吟爾今譯改案吉林東南五百八十

里有農額勒海蘭河疑搗此  
以為衛名也詳見山川卷

古魯衛

古魯國語解見關郵卷案齊齊哈爾西南至白都訥第五站為古魯站去齊齊哈爾

一百八十五里

穆陳衛

穆陳國語解見吉林山川卷舊訛滿溼本譯改案穆陳河在吉林城東南三百餘

里詳見山川卷

哈勒們衛

哈勒們國語解見吉林山川卷舊說哈爾蠻今譯改案哈勒們河在吉林西

南六百三十五里詳見山川卷

塔克題音衛

舊訛塔亭今譯改案塔克題音此在吉林東北遼遠里勒河旁

額蘇倫衛

蒙古語額蘇倫天王也有二一訛也速倫一訛也孫倫今並譯改

富色克摩衛

國語富色克滋生也摩樹也舊訛弗思木今譯改明實錄遼陽至琿琿琿

之地三千四百里琿琿琿至富色克摩隘口一千三百六十里以上十衛俱明永樂十年置

布爾噶圖河衛

布爾噶圖蒙古語解見奉天府山川卷有二舊訛卜忽託又訛卜忽

秃今並譯改明實錄永樂十二年三月置以部人伊能額為指揮案布爾噶圖河在寧古塔

南四百里詳

見山川卷

噶海河衛

噶海蒙古語見吉林山川卷舊訛可河  
又有三一訛葛一訛葛可一訛海河本

並譯改明實錄永樂十二年三月置以部人廣  
佑等為指揮 案噶海河在吉林城北詳見山

川卷

塔舒爾河衛

蒙古語塔舒爾馬鞭也舊訛塔速兒  
今譯改明實錄永樂十二年九月置

塔舒爾等八衛以部  
人阿魯圖為指揮

烏屯河衛

有二舊訛兀屯又訛兀同今並譯改  
案烏屯河在齊齊哈爾城東詳見山川

卷

宣城衛

舊訛元城今譯改 案宣城在鳳凰城東南與鴨綠江相近

科博藥衛

舊訛和卜羅今譯改 案宣博藥屯與尚間崖伊拉塔山相近

老哈河衛

老河蒙古語稱為老哈即今遠河也

鄂勒歡衛

鄂勒歡國語解見吉林山川卷舊訛兀刺忽今譯改我

太祖於

丙戌年追討尼堪外蘭越相隣諸部徑攻鄂勒歡城克之詳見城池卷

哈勒費延衛

哈勒費延國語解見吉林山川卷有二舊訛哈爾芬又訛哈里公今並譯

改 案哈勒費延島在混同江中島上有城名哈勒費延城以上七衛俱明永樂十二年九月

置

寶爾固宸衛

舊訛火兒兀赤今譯改明實錄永樂十二年十二月置以部人萬達為指

揮 案寶爾固宸也在寧

古塔東北烏蘇哩江旁

和囉噶衛

和囉噶蒙古語解見建置沿革卷舊訛忽魯愛今譯改明實錄永樂十三年卜

月置 案明時和囉噶軍民萬戶

府係今寧古塔境衛名未知何屬

珠敦河衛

珠敦蒙古語解見吉林山川卷有三舊訛滿冬又訛竹墩又訛築墩今並譯改

明實錄永樂十三年十月以部人章嘉為指揮

同知 案珠敦河在吉林城西南五百餘里詳

見山

川卷

扎津衛

扎津國語解見吉林山川卷舊訛扎真今譯改明實錄永樂十三年十月以部人吉

當阿為指揮同知 案北津河在寧  
古塔城西兩一百十里詳見山川卷

呼錫哈哩衛

舊訛兀思哈里今譯改明實錄永樂  
十三年十月以部人呼塔斯為指揮

同知 案呼錫哈哩河在寧古塔  
城東北二十五里詳見山川卷

吉潭河衛

有二明實錄永樂十四年八月置以部  
人雅蘇為指揮同知屬瑚爾哈福題希

衛 案吉潭河在吉林  
西南額勒敏河之西

尼瑪瑚山衛

舊訛亦馬忽今譯改明實錄永樂十  
四年八月置 案尼瑪瑚山在吉林

城西南五百餘  
里詳見山川卷

伊敦河衛

伊敦國語解見吉林山川卷有三舊訛  
亦東又訛亦屯亦作易屯明一統志記

一秃又訛一統今並譚改明實錄永樂十五年  
二月置案伊敦河在吉林城西二百九十餘

里詳見  
山川卷

### 伊勒們河衛

伊勒們國語解見吉林山川卷有二  
舊訛亦迷又訛亦速又訛引門又訛

衣迷今並譚改明實錄永樂十五年與伊敦河  
同置明一統志衣迷河在開原城北北流合一  
秃河入松花江衣迷即伊勒們一秃即伊敦之  
訛也案伊勒們河在吉林西一百四十里會  
伊敦河入混同江若亦速則當為伊遜河在黑  
龍江境內與伊敦相去甚遠原文更為訛舛

### 和掄圖吉衛

和掄圖吉國語解見黑龍江山川卷  
舊訛阿真同真今譚改明實錄永樂

十五年置案和掄圖吉山在墨  
爾根東南二百里詳見山川卷

阿都齊衛

蒙古語阿都齊牧馬人也舊訛阿答赤今譯改案以下皆明正統間置與伊

寶左衛等皆寄居摩琳衛內者尤空大無寶

塔山左衛

明會典作前衛哈達國地明人所謂南關也明正統間授部長錫赫特及其孫

旺台為左都督我

太祖己亥年平其國

西林衛

西林國語解見吉林山川卷舊訛失里今譯改案西林路舊屬窩集部我

太祖甲寅年征降之在今吉林東南境又案以下

諸衛明正統後所置者尤重衍複借

舒穆魯河衛

舊訛失木魯今譯改案吉林東北有舒穆魯山無舒穆魯河

和爾邁衛

和爾邁蒙古語解見吉林山川卷舊訛忽魯木今譯改案和爾邁山在吉林



東北與伊爾  
琨噶珊相近

和屯衛

和屯國語解見人物卷三 案寧古塔東  
北瑚爾哈河入混同江之地有河屯噶珊

伊拉喀衛

伊拉喀國語解見閩郵卷舊訛亦力克  
今譯改 案蘇齊哈爾東北三百五十

四里有伊  
拉喀站

佛訥赫衛

佛訥赫國語解見吉林城池卷舊說弗  
納河今譯改 案佛訥赫城在寧古塔

西南詳見  
城池卷

瑚葉衛

瑚葉國語解見吉林山川卷舊說兀也今  
譯改 案瑚葉路舊屬東海窩集部我

太祖

巳酉年遣兵千人征取  
之詳見人物卷

博和哩衛

博和哩國語解見吉林山川卷有二舊說巴忽魯又說巴忽兒今並譯改案

吉林東南有博和哩河黑龍江有博和哩山博和哩噶珊我

太宗崇德八年攻克之明時衛名未知何屬

烏雅山衛

舊說兀牙今譯改案吉林黑龍江境內並無烏雅山之名

呼勒山衛

呼勒國語解見吉林山川卷有二舊說忽里又說忽魯今並譯改案呼勒山

在寧古塔城東北三百里詳見山川卷

哈瑪爾衛

哈瑪爾蒙古語解見疆域形勝卷舊說罕麻今譯改案哈瑪爾山在呼倫布

雨爾西三百餘里

百餘里

伊拉齊衛

伊拉齊國語解見吉林山川卷有二  
舊說亦里察又說亦力察今並譯改案

伊拉齊河在吉

林城西九十里

扎穆圖衛

扎穆圖蒙古語解見吉林山川卷有二  
舊說只卜得又說者不登今並譯改

案扎穆圖河在寧古塔城北五十里札穆

圖窩集在城北一百二十里詳見山川卷

托囉河衛

托囉國語解見黑龍江山川卷舊說塔  
兒亦作洮兒今譯改案托囉河在齊

齊哈爾城南四百里魏書之太魯太瀾河唐書

之他渴河遠史之他魯捷魯河金史之捷魯古

河皆即是河也詳

見黑龍江山川卷

穆當阿山衛

穆當阿國語解見吉林山川卷舊說  
木谷今譯改案吉林西南五百餘

里有穆當阿烟  
臺山疑即昆

拉克山衛

舊訛可吉今譯改  
吉林西北四百餘里詳見山川卷  
案拉克山在

克音湖衛

舊訛立山今譯改  
塔東北又有克音城  
案克音湖在寧古

太

宗天聰九年克音

噶珊來貢

呼濟河衛

呼濟國語解見吉林山川卷舊訛忽失  
今譯改  
案呼濟河在寧古塔城南三

百里詳見  
山川卷

多隆武衛

國語解見吉林山川卷舊訛脫倫兀今  
譯改  
案齊齊哈爾東有多隆武噶珊

與屯河  
相近

阿濟納河衛

舊訛阿的  
納今譯改

遜河衛

遜國語解見黑龍江山川卷舊訛速温今  
譯改又有阿速衛名亦訛 案遜河在黑

龍江南一百八十

里詳見山川卷

吉朗吉衛

吉朗吉國語解見吉林山川卷舊訛結  
刺吉今譯改 案吉林東南七百九十

里有吉朗吉海

蘭河疑即是

薩喇衛

薩喇國語解見黑龍江山川卷舊訛撒刺  
今譯改 案薩喇河在吉林城西百餘里

詳見山

川卷

温托琿河衛

温托琿國語解見黑龍江山川卷舊  
訛兀討温今譯改 案齊齊哈爾西

南一百三十里  
有温托琿河

發河衛

改 發國語解見吉林山川卷舊說甫河今譯

十餘里入混同江一在吉林城南  
四百餘里入輝發江詳見山川卷

拉拉山衛

拉拉國語解見吉林山川卷有二舊說  
刺山又說刺克今並譯改 案拉拉山

在吉林城東  
與們河相近

迪拉衛

舊訛替里  
今譯改

圖魯河衛

圖魯國語解見黑龍江山川卷舊說禿  
河今譯改 案圖魯河在齊齊哈爾城

東詳見  
山川卷

法勒圖河衛

舊訛弗兒禿今譯改 察法勒圖河  
在寧古塔城東南並詳見山川卷

噶勒弼河衛

噶勒弼國語解見黑龍江山川卷舊  
訛阿魯必今譯改 察呼倫布爾

東南四百里  
有噶勒弼池

雅奇山衛

雅奇國語解見吉林山川卷舊訛咬里  
今譯改 察雅奇山在吉林城西南五

百餘  
里

托里山衛

托里國語解見黑龍江山川卷舊訛谷  
里今譯改 察黑龍江南六十里有托

峯  
里

察罕山衛

察罕蒙古語解見吉林山川卷舊訛出  
萬今譯改 察黑龍江城北有察罕峯

瞻屯衛

舊訛者屯  
今譯改

拉哈衛

拉哈國語解見疆域形  
勝卷舊訛蘭河今譯改

敦珠克山衛

舊訛朶州今譯改  
吉林西南五百餘里  
案敦珠克山在

占泥河衛

舊訛者亦今譯改  
城西南五百七十餘里  
案占泥河在吉林  
即瞻河之支流

詳見山  
川卷

納蘇濟勒河衛

蒙古語納蘇歲也  
舊訛納速吉今譯改  
濟勒年

敦敦河衛

敦敦國語解見吉林山川卷  
舊訛鎮真  
今譯改  
案敦敦河在寧古塔東北詳

見山  
川卷



伊遜河衛

伊遜蒙古語解見黑龍江山川卷舊訛也速今譯改案伊遜河在呼蘭東北

伊穆河衛

舊訛亦魯今譯改案伊穆河在寧古塔興泰河南

錫里呼衛

蒙古語錫里呼選拔也舊訛失里兀今譯改

博囉河衛

博囉蒙古語解見奉天府山川卷舊訛波羅又有一訛薄羅今並譯改案博

囉堡在寧海縣城北

密拉圖山衛

蒙古語密拉鞭也國語解見黑龍江山川卷舊訛密刺禿今並譯改

穆稜河衛

穆稜蒙古語解見疆域形勝卷有二舊訛沒倫亦作默倫今譯改案穆稜河

在吉林東北一千餘里見山川卷

察爾察圖河衛

蒙古語察爾察圖河也  
舊訛察扎禿今譯改

烏蘇衛

烏蘇蒙古語解見吉林城池卷  
舊訛兀失今譯改  
按烏蘇城舊屬葉赫國我

太祖高皇帝

癸丑年九月征葉赫破烏蘇等十九城詳見

城池卷

呼勒河衛

呼勒國語解見奉天府山川卷  
舊訛忽里今譯改  
案呼勒河在長白山西南

詳見山川卷

愛河衛

即愛哈也在吉林城西南境詳見山川卷

薩哈勒察衛

舊訛哈刺察今譯改

布拉衛

布拉國語解見吉林山川卷  
舊訛卜魯今譯改  
案布拉山在寧古塔城西南

十里詳見

山川卷

扎喀喇喀衛

扎喀喇喀國語解見黑龍江山山川卷  
舊訛以哈阿哈今譯改 案扎喀喇

喀峯在齊齊哈

爾東九百里

鄂山衛

鄂國語解見吉林山川卷舊訛兀山今譯改  
案鄂山在吉林城北七十里詳見山川卷

碩隆山衛

碩隆蒙古語解見黑龍江山山川卷舊訛  
失郎今譯改 案碩隆山在呼倫布雨

爾東二百

五十里

墨河衛

舊訛木河今譯改 案墨河在呼倫  
布爾北八百六十里詳見山川卷

薩爾布衛

舊訛歲班今譯改 案寧古塔城北  
一百十里有 爾布河詳見山川卷

赫濟赫河衛

赫濟赫國語解見吉林山川卷舊記  
黑黑今譯改 案赫濟赫路舊屬窩

集部我

太祖高皇帝丁未年征取之詳見人物卷

古城衛

案古城之地甚多此未知所屬

福河衛

舊訛佛河今譯改 案福河在黑龍江東南六百里詳見山川卷

烏圖哩衛

烏圖哩國語解見黑龍江山川卷舊訛兀塔哩今譯改 案烏圖哩山在墨爾

根東南一百六十里

拉忻河衛

拉忻國語解見吉林山川卷舊訛納速今譯改 案拉忻河在吉林城西南五

百餘里詳見山川卷

西林河衛

西林國語解見吉林山川卷舊說失列  
今詳改 案西林河在吉林東南二千

里

多爾裕衛

舊說榮兒  
王今詳改

呼嚕河衛

呼嚕國語解見吉林山川卷舊說兀魯  
今詳改 案呼嚕河有二一在吉林西

南一在吉林東  
南詳見山川卷

富勒哈河衛

富勒哈國語解見奉天府山川卷舊  
說弗郎罕今詳改 案富勒哈河一

在吉林西南五百餘里又吉林  
城北三十三里有富勒哈城

老河衛

即老哈按永樂十二年已有此衛名明  
時建置紛紜好為夸大故不足深考

珠倫河衛

珠倫國語解見吉林山川卷舊訛什里  
今譯改 案珠倫河在寧古塔城東南

六百四十餘里

詳見山川卷

吉達納河衛

國語吉達納往斡也  
舊訛吉答納今譯改

伊蘇圖衛

伊蘇圖蒙古語解俱見黑龍江  
山川卷舊訛也速脫今並譯改

阿穆爾河衛

考吉林寧古塔等境內無此河名或即  
阿穆爾河及阿穆爾河等地名割截之

誤

岳希衛

岳希國語解見吉林山川卷舊訛顏亦今  
譯改 案岳希河在阿勒楚喀東南二十

餘里詳見山川卷又案自噶

穆衛至此俱明正統後所置

薩爾達衛

舊訛山峇今譯改 案薩爾達山在打牲烏拉詳見山川卷又寧古塔境薩

克達地名

音亦相近

塔哈衛

塔哈蒙古語解見黑龍江山川卷 案塔哈河在黑龍江境內詳見山川卷

庫勒訥河衛

庫勒訥國語解見吉林山川卷舊訛弗魯訥今譯改 案庫勒訥窩集在

吉林西南一百餘

里詳見山川卷

康薩衛

康薩國語解見吉林山川卷舊訛行子今譯改 案康薩嶺在吉林西南詳見山川

卷

幹里城衛

幹里國語解見吉林城池卷舊訛兀勒阿今譯改 案幹里城在寧古塔之東

北詳見  
域池卷

阿寶衛

舊訛阿失今譯改案阿寶  
河在白都納東北四百里

奇徹納河衛

蒙古語奇徹納勤也  
舊訛吉真納今譯改

布爾哈衛

舊訛布克哈今譯改案黑龍江境內  
山川並無布爾哈之名疑即今布特哈地當

時轉音  
之訛耳

伊蘇徹爾河衛

伊蘇蒙古語解見黑龍江山川卷  
徹爾解見忠節卷舊訛亦思察今

譯改

平河衛

地名  
無考



阿奇衛

舊訛阿乞今譯改 察阿  
奇噶珊在寧古塔東北

太蘭衛

舊訛台郎今譯改 察  
太蘭岡在 興京境內

賽堪衛

賽堪國語解見黑龍江山川卷舊訛賽克  
今譯改 察賽堪嶺在齊齊哈爾西南詳

見山  
川卷

布克依衛

舊訛拜苦今譯改 察自齊齊哈爾東  
北至墨爾根第一站為布克依站也

搜里衛

舊訛所力今譯改 察  
搜里河在吉林東北

巴爾衛

蒙古語巴爾虎也舊訛把里今譯  
改 察巴爾屯在黑龍江境內

塔納衛

國語塔納東珠  
也地名今無考

額爾克衛

額爾克蒙古語解見疆域形勝卷舊訛額克今譯改案額爾克山在墨爾根

東北詳見山川卷

勒富衛

勒富國語解見疆域形勝卷舊訛勒伏今譯改案勒富河有二一在寧古塔東南

七百九十里一在吉林西南五百餘里並有勒富山詳見山川卷

舒爾哈衛

舒爾哈國語解見吉林山川卷舊訛樹哈今譯改案舒爾哈河在吉林東南

八百里

費雅哈達衛

費雅哈達國語解見吉林山川卷舊訛肥哈答今譯改

格根衛

蒙古語格根明也舊訛益干今譯改案寧古塔東北有格根噶珊

英圖衛

蒙古語英圖有破之謂也舊訛英禿今譯改

阿林衛

阿林國語解見吉林山川卷案吉林境內以阿林為地名者甚多衛名未知何屬

哈爾薩衛

哈爾薩國語解見奉天府山川卷有二舊訛哈兒速又訛哈失今並譯改案

興京西南有哈爾薩山哈爾薩河發源於此詳見山川卷

布達衛

布達國語解見吉林山川卷有二舊訛巴答又訛卜答今並譯改案布達山布達

窩集俱在吉林東南詳見山川卷

喀巴衛

喀巴國語解見奉天府山川卷舊訛忽把今譯改案喀巴嶺在鳳凰城西南三十

里詳見山川卷

松阿哩衛

舊訛速哈兒又訛疎和免勝和免今並譯改 案松阿哩烏拉即混同江

穆遜衛

穆遜蒙古語解見黑龍江山川卷舊訛馬失今譯改 案穆遜噶珊在寧古塔東北

托馨衛

托馨國語解見疆域形勝卷舊訛塔賽今譯改 案托馨河在齊齊哈爾西詳見山

川卷

扎琳衛

扎琳國語解見黑龍江山川卷舊訛剌里今譯改 案扎琳河在齊齊哈爾東詳見

山川卷

嘉哈衛

嘉哈國語解見京城卷舊訛者哈今譯改 案嘉哈河在吉林城西南七百十五

里詳見山川卷

興凱衛

舊訛恨克今譯改案興凱湖在寧古塔城東南五百里詳見山川卷

交校衛

地名無考

愛丹衛

舊訛艾答今譯改案愛丹城在瑯春西北二百五十里詳見城池卷

哈瞻衛

哈瞻國語解見吉林山川卷舊作哈察今譯改案哈瞻河在吉林東南九百六十

餘里詳見

山川卷

海楚衛

舊訛革由今譯改案海楚屯在寧古塔東北

蘇嚕河衛

蘇嚕國語解見黑龍江山川卷舊訛蜀河今譯改案蘇嚕河在黑龍江城東

南入黑龍江

詳見山川卷

屯齊衛

屯齊蒙古語解見吉林山川卷舊訛禿里赤今譯改 案屯齊嶺在吉林城西二十

里詳見山川卷

三音衛

三音國語解見吉林山川卷 案吉林城南五百二十里有三音額音河疑當時割

截為名耳

美赫衛

美赫國語解見吉林山川卷舊訛忙哈今譯改 案吉林城西五百二十里有美

赫河詳見山川卷 自薩爾達衛至此俱明嘉靖年間置

窩集屯河所

窩集屯國語解俱見吉林山川卷舊訛兀者託温今譯改明實錄永樂二

年十月置以墩塔等為千百戶 案屯河山屯窩集原文如窩集于屯字之上似以屯河所屬

高集部以下如高集奎瑪窩集沃勒齊等似此稱名者甚多餘詳山川卷

喀爾岱所

舊說可里踢今譯改明實錄永樂四年正月置以巴圖布哈等為千百戶

喀爾岱山在輝春城東八十餘里

呼特亨所

舊說兀的罕今譯改明實錄永樂四年二月置業大呼特亨也在混同江南

岸小呼特亨也在混同江北岸

德勒沃赫所

德勒沃赫蒙古語解見奉天府山川卷舊說得的河今譯改明實錄永樂

五年二月置業德勒石在興京城西

阿實河所

見前各衛下舊說與石今譯改

烏爾琿山所

烏爾琿國語解見吉林山川卷舊說哈魯門今譯改明實錄永樂五年五

月置

茶烏爾琿山在寧古塔

東南六百二十里見山川卷

法特哈河所

法特哈國語解見吉林山川卷舊說敷答今譯改明實錄永樂七年四月

置

茶法特哈河在寧

古塔東北見山川卷

窩集奎瑪所

窩集舊說兀者奎瑪舊說撥野木今譯改按奎瑪塔爾噶在寧古

塔東

北

窩集沃勒齊所

沃勒齊舊說總勉赤今譯改茶沃勒齊也在寧古塔城東北

岳塞所

岳塞國語解見吉林山川卷舊說魚失今譯改茶岳塞河在寧古塔東北詳見山



卷川

烏延所

烏延國語解見黑龍江山川卷舊訛五延  
今譯改 察烏延河在黑龍江南四百餘

里詳見  
山川卷

窩集珊延河所

珊延國語解見吉林山川  
卷舊訛兀者已河今並譯改

瞻河所

瞻河國語解見吉林山川卷舊訛真河今  
譯改 察瞻河有二一在吉林西南五百

餘里一在黑龍江南二  
百里俱詳見山川卷

烏登所

烏登國語解見黑龍江山川卷舊訛兀的  
今譯改 察明永樂時已置烏登河衛詳

見前  
注

屯河所

見前各衛下

哈爾薩所

見前各衛下舊訛哈三今譯改

喀穆河所

見前各衛下舊訛古賁今譯改

烏延所

烏延國語解見黑龍江山川卷舊訛五因今譯改案烏延河在寧古塔城南

索爾和綽河所

舊訛鎮郎哈真今譯改案索爾和綽河在寧古塔城南十里詳見

山川卷

窩集昆河所

見蒙古語解見黑龍江山川卷舊訛按今譯改案昆河在黑龍江城南

二十里詳

見山川卷

烏屯河所

見前各衛下舊訛元亮今譯改

温托琿河所

見前各衛下舊訛兀討温今譯改

窩集色勒所

色勒國語解見吉林山川卷舊訛今譯改案色勒河在吉林東南四

百餘里詳見山川卷

哈魯所

哈魯國語解見黑龍江山川卷案哈魯河在齊齊哈爾城東詳見山川卷

喜嚕林所

舊訛喜樓里今譯改案喜嚕林也在寧古塔東北

博爾多站

博爾多國語解見建置沿革舊訛別兒真今譯改案博爾多站在齊齊哈

爾東北二百七十五里

黑龍江地方墨勒特伊站

墨勒特伊舊訛莽亦鉄  
今譯改 案墨爾特伊

心在黑龍江與烏

蘇哩江會流之地

佛多和站

佛多和國語解見吉林山川卷舊訛非  
系河今譯改 案佛多和河有三一在

吉林東三百八十里一在吉林南八百四十餘  
里一在寧古塔城西三百三十里俱詳見山川

卷站名未  
知何屬

伊罕河衛哈必蘇站

伊罕河見前各衛下蒙古語  
哈必蘇助也舊訛忽把希今

譯改

哈必蘇站

前站名繫之伊罕河衛下  
此似兩站而同一名也

富達哩站

舊訛佛答林今譯改 案富達哩噶珊在寧古塔東北

烏都齊站

國語烏都齊第幾也舊訛古代替今譯改 案武都奇屯在寧古塔東北

烏蘇站

見前各衛下舊訛五速今譯改

博和弼站

舊訛播爾賓今譯改 案博和弼河在吉林城東北見山川卷

和勒和齊站

和勒和齊國語解見黑龍江山川卷舊訛黑勒亨石今譯改 案和勒和

齊河在呼倫布爾西南見山川卷

赫勒爾站

舊訛黑勒里今譯改 案赫勒爾河在吉林東北見山川卷

穆遜河地面

見前各衛下舊訛弗孫今譯改

們河地面

見前各衛下舊  
訛木溫今譯改

洪古河地面

舊訛涌坎今譯改  
在齊齊哈爾城東見山川卷  
洪古河

薩哈地面

薩哈國語解見吉林山川卷  
舊訛撒哈  
今譯改  
案吉林界內以薩哈為地名

者甚多此  
未知何屬

尼滿河地面

見前各衛下舊  
訛亦馬今譯改

噶穆地面

舊訛可木  
今譯改

黑龍江地面

遜河地面

見前各衛下舊  
訛速溫今譯改

額圖密地面

額圖密國語解見吉林山川卷舊訛昏地速今譯改案額圖密河在寧

古塔東南一千四百里詳見山川卷

烏勒固宸地面

舊訛烏爾袞車今譯改案烏勒固宸路舊屬東海窩集部我

太祖

高皇帝辛亥年征取之詳見城池卷

錫伯河地面

錫伯國語解見吉林山川卷舊訛施伯今譯改案錫伯河在呼蘭東北

見山川卷

巴勒達河地面

見前各衛下舊訛卜魯丹今譯改

松阿哩地面

見前各衛下舊訛勝和爾今譯改

珠春地面

珠春國語解見黑龍江山川卷舊訛諸車今譯改案珠春河在黑龍江東南

一十一百里

詳見山川卷

畢沙河地面

舊訛界讓今譯改

奇集河地面

見前各衛下舊訛欽真今譯改

伊津河地面

伊津國語解見吉林山川卷舊訛因只今譯改案伊津河在寧古塔東

南一千五百里

詳見山川卷

固里河地面

綽爾河地面

綽爾蒙古語解見疆域形勝卷舊訛卓兒今譯改案綽爾河在齊齊哈



爾西三百餘里

詳見山川卷

薩哈連地面

薩哈連國語解見奉天府山川卷舊訛撤谷連今譯改案薩哈連

烏拉即黑龍江此誤分兩地

伊敦河地面

見前各衛下舊訛亦禿渾今譯改

果埒亨河地面

舊訛古里罕今譯改案果埒亨地在寧古塔境內

呼呼巴河地面

國語呼呼巴無開騎袍也舊作忽忽八今譯改

舒穆魯河地面

見前各衛下舊訛失木魯今並譯改

巴哩巴河地面

蒙古語巴哩巴執持也舊訛把爾卜今譯改

穆楞河地面

見前各衛下舊說  
訛木倫今譯改

綏哈河地面

綏哈國語解見吉林山川卷舊說  
訛今譯改 案綏哈河有二一在吉

林城西一在吉林

城東詳見山川卷

納密河地面

納密國語解見吉林山川卷舊說  
訛今譯改 案納密河在吉林東北

邊外詳見

山川卷

布爾哈圖河地面

見前各衛下舊說卜忽禿今譯  
改 案布爾哈圖河已見前詳

見山

川卷

烏勒惠河地面

烏勒惠國語解見黑龍江山川卷  
舊說兀魯溫今譯改 案烏勒惠

河在呼倫布爾  
西南見山川卷

塞珠倫河地面

見前各衛下舊訛  
撒只刺今譯改

幹齊河地面

舊訛兀察今譯改  
案幹齊噶珊在寧古塔境內

畢里穆江地面

題爾敏地面

題爾敏索倫語解見黑龍江山川卷  
舊訛的里木今譯改  
案題爾敏在

在黑龍江

江境內

綏芬地面

綏芬國語解見吉林山川卷舊訛蘇芬  
今譯改  
案綏芬河在寧古塔東南四

百四十里詳

見山川卷

西林地面

見前各衛下此又  
訛失今今譯改

五里河口

考五里河在吉林城東南  
七百七十里詳見山川卷

拉林口

見前各衛下舊  
訛那今今譯改

和敏口

國語和敏鋤頭也  
舊訛火明今譯改

庫魯爾河口

舊訛口免今譯改  
布爾境內有庫魯爾山  
案呼倫

畢津河口

考畢津河在寧古塔  
東北詳見山川卷

色實河口

國語色實豆麵餠餠  
也舊訛鎖失今譯改

固雅温都爾河口

蒙古語固雅温都爾腿高也  
舊訛古因温都魯今譯改

烏登河口

見前各衛所下舊  
訛幹的音今譯改

欽定盛京通志卷一百三